


近代中國史料叢刊第二十二輯  
沈雲龍 主編

文文忠公（祥）事略

洪良品等校

文海出版社印行



光緒壬午六月開雕

南  
寧  
志  
記  
卷  
之  
一

本宅藏板



文文忠公事略總目

文文忠公事略總目

卷一

諭旨

諭賜祭文

諭賜碑文

國史館本傳

卷二

自訂年譜上

卷三

文文忠公事略總目

自訂年譜下

卷四

蜀輶紀程

巴林紀程

文文忠公事略總目

文文忠公事略

光緒二年五月初四日文文忠公薨遺疏入奉

上諭大學士文祥清正持躬精詳謀國忠純亮直誠懇公  
明由部曹荷

文宗顯皇帝特達之知洵升卿貳並令在軍機大臣上行走  
復蒙兩宮

皇太后

穆宗毅皇帝重加倚畀同治四年間因奉天馬賊肆擾

特派帶兵出關勦捕地方賴以廓清旋經簡任綸扉深資輔

弼於國計民生利病所關及辦理中外交涉事務無不盡心籌畫實爲股肱心膂之臣祇以積勞成疾屢請開缺朝廷寬予假期曾遣御醫診視賞給人葠俾得安心調理並於召見軍機大臣時疊次垂詢方冀克享遐齡長承恩眷茲聞溘逝震悼良深著賞給陀羅經被派郡王銜貝勒載澂帶領侍衛十員卽日前往奠醊加恩予諡晉贈太傅照大學士例賜卹入祀賢良祠賞銀三千兩由廣儲司給發賞給騎都尉世職卽令伊子熙治於百日孝滿後承襲任內一切處分悉予開復應得卹典



該衙門察例具奏靈柩回旗時沿途地方官妥爲照料到旗後著崇實前往賜祭一壇用示篤念盡臣至意欽此

八月初四日靈柩起程回旗初二日奉

上諭原任大學士文祥靈柩於本月初四日起程回旗著派郡王銜載澂是日前往賜奠欽此

諭賜祭文

代資賢輔嘉幹濟之功勳天奪良臣悲老成之凋謝殫猷爲以效職身兼文武之才總中外以宣勞人服公明之量

克保榮名於晚節宜敦厚禮於飾終爾原任大學士贈太  
傅文祥學有本源器成遠大忠誠體國節勁凌霜正直律  
躬心清盟水始策名於郎署繼晉秩於宮詹洵登卿貳之  
班爰預樞廷之務示懷柔於海國烏弋輸誠整軍旅於遼  
陽鷹揚奏績

先帝賴其輔政一時之

聖武懋昭

兩宮念厥成勞異數之

恩施靡已臺垣領職風聲彰總憲之權畫省趨公星履循尙

書之步侍彤闈之講貫荷翠羽之恩榮部務用咨鈞衡正  
位胄筵設教聿瞻渠範之端冊府宏開屢統編摩之局掌  
文衡則心如懸鏡攝旗務則志切同袍賜壽物以延釐晉  
宮銜而增寵詰戎兵而肄武筦鑰曾持憫禁掖之宣勤筭  
輿用錫眷懷耆碩休聲克壽於千秋力任艱劬末疾竟嬰  
夫二豎未允懸車之請倚畀方殷空勞珍藥之頒淪殂遽  
告股肱頓失震悼良深賚厚賻於帑金遺親臣而奠醊特  
易名於美謚贈太傅之崇階功在旂常應推恩於孫子志  
安社稷宜入祀於賢良於戲矢一介之清操蕭然館舍書

萬全之良策隕矣干城爾靈有知尙其來享

諭賜入祀賢良祠祭文

朕維朝夕論思燮理重陰陽之化春秋崇祀馨香昭俎豆  
之榮朝廷圖任舊人禮隆侑享臣子靖共爾位恩備始終  
式展明禋用彰美報爾原任大學士贈太傅文祥禔躬勤  
慎秉性忠貞由部曹而擢宮詹厯閣學而躋卿貳槐省榮  
膺乎領袖蘭臺總攝乎紀綱校士禮闈鑑衡朗澈宣勤講  
幄經術湛深尙書爲喉舌之官兼司四部冢宰實鈞衡之  
寄特長百僚汝則克慎厥猷恪恭乃職勉襄

實錄俾信史之昭垂翊贊樞垣抒嘉謨而入告用是游升揆  
席晉陟台階青宮寵錫夫頭銜紫禁用資乎輔弼迺沉疴  
之久染竟遺疏之旋陳彝典式循賢良予祀於戲祠官特  
命潔酒醴以肇禋廟食酬庸庶班聯之彌勵永茲歆享尙  
克欽承

九月初三日 盛京本旗

諭賜祭文

任隆輔政思日贊以宣猷典懋酬庸賁雲章而示寵爰頒  
嘉薦用獎成勞爾原任大學士軍機大臣贈太傅文祥賦

質樸誠持躬端謹始策名於郎署夙夜弗遑旋洊厯夫卿  
曹公忠益勵木天穹做領清華而籍掌瀛洲樞院深嚴預  
機務而謀參帷幄總編摩於秘閣典冊勤稽佐綏馭乎遐  
方梯航畢集旣文衡之屢柄復武備之兼資洎乎入贊綸  
扉宣勤政府孜孜不怠彌懷篤棗之忱休休有容允協和  
衷之義方殷倚畀遽染沉疴迭給假期俾安心以調理延  
治經歲竟診眎而難痊震悼良深隆施特沛詔錫金於內  
帑命賜奠於靈幃晉太傅之崇階予文忠之美諡祠賢良  
而入祀念篤蓋臣襲世職以延庥恩昭異數嗚呼儀型雖

邈難忘秉軸之勤彝典攸崇式煥加邁之禮靈其不昧尙  
克歆承

諭賜碑文

朕惟亮工熙績謨明資弼直之材論道經邦密勿重樞機  
之任念成勞於元老鼎鼐攸司緬碩德於阿衡典型忽謝  
蓋相業永孚乎一德斯恩榮遠照乎千秋允勒貞珉用光  
偉烈爾原任大學士贈太傅文祥忠勤秉性蹇諤匪躬始  
簪郎署之毫旋厯臺垣之職正鈞衡於六屬宏建嘉謨綜  
樞要於一心洞嫻方略昔者瀋陽不靖虜騎潛窺命總師

千欽承

廟算奮擊則狼烽迅掃窮搜而馬迹全空畿輔因之又安耕  
市於焉不變克敵致果紆

先皇宵旰之心說禮敦詩飭儒將雍容之度時諸羌欽服互  
市駢闐勤襄柔遠之謨密畫綏邊之策胸羅武庫西夏聞  
而膽寒手草尺書贊普爲之氣讐約劑特重於九鼎蕃情  
遠帖乎重洋驚李晟爲天人憚王商爲漢相凡此艱難之  
宏濟悉由篤棐之盡臣至若宿衛典軍經帷倬直旣厯持  
乎文柄亦淹貫乎史裁掌制鸞坡屢頒堂饌乘輿鼇禁獨



冠班聯接恩禮於

三朝睠懷舊德任總師於百揆旁作迂衡逮藐躬繼序之年  
正老成顧問之日書思温室鑒卅載之勤勞絕席綸扉作  
百僚之師長賚子良弼祝爾遐齡方期賜杖於朝端詎意  
撤琴於私第追維成績克副易名蘇軾爲奎宿後身經猷  
丕煥歐陽是洛中耆舊德望同尊諡曰文忠奚慙曩詰於  
戲小心翼翼爾惟日贊乎萬幾黃髮皤皤天不憖遺乎一  
老爰宣綸綍式表堂防昭示來茲敬承勿替

											14
--	--	--	--	--	--	--	--	--	--	--	----

國史館本傳

文祥瓜爾佳氏

盛京正紅旗滿洲人道光二十五年進士以主事用分  
工部二十九年補官咸豐四年升員外郎五年五月  
以巡防出力加知府銜

賞戴花翎六月驗收海運漕糧敘功加道銜十月升郎中十  
一月以襄辦

孝靜成皇后喪儀

賞戴三品頂戴六年

京察一等

記名以道府用因親老乞留京供職七年二月授太僕寺少

卿十二月擢詹事府詹事八年正月充

日講起居注官三月署刑部左侍郎尋遷內閣學士兼

禮部侍郎銜四月署鑲黃旗漢軍副都統五月

命在軍機大臣上學習行走六月遷禮部右侍郎七月充署

經筵講官八月署戶部右侍郎兼管錢法堂事務十月恭

送

仁宗睿皇帝聖容

宣宗成皇帝實錄

聖訓詣

盛京供奉尊藏下部議敘尋

賜紫禁城騎馬十二月調吏部右侍郎九年二月授鑲紅旗

蒙古副都統充前引大臣三月充會試知貢舉八月

復署戶部右侍郎十月

命在軍機大臣上行走調工部右侍郎兼管錢法堂事務尋

調鑲藍旗滿洲副都統十一月調戶部左侍郎兼管

三庫事務十年正月

上三旬萬壽

賞加一級三月署工部右侍郎充對引大臣五月充

朝考閱卷大臣授左翼總兵時暎法二夷犯順入天津海口

欽差大臣科爾沁親王僧格林沁兵退通州七月

上降親統六師殊諭適僧格林沁密疏請幸木蘭

命王大臣會議文祥以通州地異澶淵人無寇準非萬全之道木蘭又無險可扼我能至夷亦能到與大學士賈楨等力持不可文祥復獨請

召對再三籲留退偕軍機大臣吏部左侍郎匡源署吏部右

侍郎杜翰具疏極言利害請罷木蘭之議盡撤所調

車馬並請

上特降諭旨宣示中外八月

上幸木蘭留署步軍統領九月

圓明園火土匪肆擾

命署圓明園八旗包衣三旂印鑰調兵嚴捕仍隨恭親王辦

撫局文祥慮事繁難兼顧辭步軍統領

允之夷兵退疏請定期

回鑾以安人心十月署正藍旗護軍統領通商條約定

上以文祥出入夷營備歷艱險於夷人非分之求侃侃直言折之以理使心服下部議敘十二月偕恭親王等通籌夷務全局奏言夷情之強悍萌於嘉慶年間迨江甯換約鴟張彌甚至本年直入京城要挾狂悖夷禍之烈極矣論者引歷代夷患爲前車之鑒專意用勦然揆時度勢各夷以喫爲強悍俄爲叵測而法米從而陰附之竊謂大沽未敗以前其時可勦而亦可撫大沽旣敗而後其勢能撫而不能勦至夷人入城戰



守一無足恃則勦亦害撫亦害就兩者輕重論之不得  
不權宜以救目前之急自換約以後夷人退回天津  
紛紛南駛而所請尙執條約爲據是夷人並不  
我土地人民猶可以信義籠絡馴服其性似與前代  
之事稍異方今捻熾於北髮熾於南餉竭兵疲夷人  
乘我虛弱而爲其所制如不勝其忿而與之爲讎則  
有旦夕之變若忘其爲害而全不設備則貽子孫之  
憂古之人有言以和好爲權宜以戰守爲實事洵篤  
論也今日之勢髮捻交勝心腹之患也俄國壤地相

接有蠶食上國之志肘腋之憂也  
倭國志在通商暴虐無人禮不爲限制則無以自立肢體之患也故滅髮捻爲先治俄次之治倭又次之惟有隱消其驚疾之氣而未可遽張以撻伐之威儻天心悔禍賊匪漸平則以

皇上之聖明臣等竭其顛蒙之力必能有所補救若就目前之計按照條約不使稍有侵越外效信睦而隱示羈縻數年間卽偶有要求尙不遽爲大害因擬善後章程六條一

京師立總理各國事務衙門以王大臣領之軍機大臣兼領其事選章京滿漢各八人輪直俟軍務定各國事簡仍歸軍機處辦理以符舊制一分設南北口岸大臣牛莊天津登州三口暫設辦理通商大臣駐天津五口

欽差大臣舊隸兩江總督新增內江閩廣口岸事益繁曾國藩方在軍仍暫令薛煥署理駐上海吉林黑龍江邊境俄人越界侵佔久匿不報令將軍等履勘以聞一天津關稅以三口通商大臣主之牛莊仍歸山海關

欽差大臣邊員司其事俄國新議行貨之庫倫喀什噶爾張  
鎮江九江漢口瓊州潮州臺灣淡水諸口岸由各督  
撫會上海

欽差大臣邊員司其事俄國新議行貨之庫倫喀什噶爾張  
家口並舊通商之恰克圖塔爾巴哈台等處定約惟  
烏蘇里綏芬河各所不納稅請下伊犁將軍各大臣  
監督悉心權課覈實備用並以洋稅扣歸二成請酌  
給官吏辦公經費一各省辦理外國事件將軍督撫  
互相知照以免歧誤一廣東上海各擇通外國語言

文字者二人來京仿俄羅斯館教習例選八旗子弟年十三四以下者學習兩年後考其勤惰有成者優獎一各海口內外商情並外國新聞紙按月咨報總理各國事務衙門備覈均如所議行復密疏請練八旗兵丁略言制敵在乎自強自強必先練兵比者撫局雖成而

國威未振宜亟圖振興使夷順則可以相安逆則可以有備况髮捻交乘尤宜迅圖勦辦內患能除外憂自絕請籌款添置火器營槍礮給八旗兵丁演習選散

閑餘丁別立營伍專習技藝抬槍並請  
敕僧格林沁舉知兵將弁一人來京督率訓練

上韙之遂立神機營文祥又奏言自辦理撫局以來於外省  
軍情見聞漸少而深維大局憂心如焚竊謂今日之  
患外有四夷內有髮捻兵疲餉竭在在爲難然夷性  
桀驁竭力撫綏尙不至遽有變局而髮逆蹂躪東南  
數省僅恃有淮揚一綫之隔捻匪則出沒三省閒蔓  
延徐宿近更擾及山東金鄉魚臺一帶僧格林沁軍  
有羊山集之挫比雖小勝然匪蹤飄忽直隸一帶空

虛僧格林沁行兵後路尙形單薄勝保所部多未經  
行陣撫局既定而未敢遽撤者一以彈壓土匪一以  
防東省之匪闖入直境藉此爲僧格林沁後路策應  
也夫僧格林沁與士卒同甘苦並能調度一切機宜  
然其勢亦孤立無援勝保勇敢有餘而慎審不足且  
同爲統兵大臣未肯相下是僧格林沁一軍必得良  
將勁卒贊助援應方無意外之失良將一時難得竊  
憶前任副都統富明阿西甯鎮總兵成明從軍江北  
素號得力因養傷回旗如病痊請

三才圖會 卷一  
特旨錄用或發僧格林沁軍營領隊擊賊或留

京師訓練旗兵並請

命各統兵大臣選帶隊得力者保奏存記酌量調遣用資禦  
侮再湖南巡撫駱秉章近因石逆回竄暫緩赴川而  
川省賊勢益張文武皆不知兵伏思前任雲貴總督  
張亮基謀略素優以病開缺恐因滇事棘手託詞引  
退若移之川省或能展其才猷且川省安滇省亦易  
就理又前任江西九江道沈葆楨湖北候補知縣劉  
蓉才堪大用請



于文忠公傳各本一傳

勅胡林翼察其能任何任奏懇破格錄用

上嘉納焉十一年二月授右翼前鋒統領三月署鑲黃旗滿

洲都統尋充總理各國事務大臣七月充崇文門副

監督

穆宗毅皇帝御極文祥請解樞務

命仍在軍機大臣上行走十月偕王大臣等奏請

兩宮

皇太后垂簾聽政並議章程禮節尋充

實錄館副總裁十二月充

于文忠公傳各本一傳

經筵講官管理神機營事務同治元年正月遷都察院左  
都御史正白旗蒙古都統二月管理國子監事務三  
月署工部尙書並管理火藥局總理喪儀四月充總  
管內務府大臣五月署鑾白旗滿洲都統六月署兵  
部尙書充拔貢

朝考閱卷大臣七月管理嚮導處事務閏八月授工部  
尙書兼署兵部尙書九月恭送

文宗顯皇帝

孝德顯皇后梓宮奉移

文獻通考卷之六十一

山陵

賞加二級二年四月充

朝考閱卷大臣十二月管理理藩院事務初江蘇浙江

省城克復

上屢欲加恩樞臣均再三辭

上重違其意三年江甯復首逆就殄七月捷至

諭樞臣同心輔治宜予優獎文祥仍固辭

上鑒其誠

賞太子太保銜姪凱肇員外郎尋署正黃旗漢軍都統十月

文獻通考卷之六十一 本傳

充閱兵大臣四年三月署戶部尙書四月辭總管內  
務府大臣

充之六月調鑲白旗滿洲都統八月馬賊入直隸喜峰口竄  
遵化薊州

命文祥統神機營兵馳赴

東陵防護並督諸軍追剿賊竄灤陽經鐵門關遁乃留兵屯  
遵化遷安邊隘因疏陳地方叅賊釀患請除積弊清  
盜源又奏言馬賊巢穴多在口外如奉天之昌圖廳  
八面城熱河之八溝哈達等地五方雜處回民爲多

出則搶掠歸而聚博入冬彌甚宜懸重賞購眼線伏  
口外復聽調兵掩捕庶淨絕根株一勞永逸旋回京

九月

上謁

東陵

命留京辦事

定陵奉安禮成

賞加二級子熙聯員外郎十月以督率神機營操練有方下

部議敘尋以母老多病請回旗迎養

賞假三月

頒內務府人獲六兩俾齎歸因令統神機營出關剿馬賊時賊分擾關外伏莽應之勢甚熾文祥行至山海關以所部兵力單調直隸步隊五百洋槍隊一千益軍並請

敕東三盟蒙古王公等由北夾擊十一月賊入朝陽縣軍夜抵錦州賊東竄敗之北井子十二月諜知賊劫奉天獄約期攻城兼程馳至賊退踞城東南肆掠並圍撫順檄總兵劉景芳率騎夜擊破之賊悉出邊於是吉

林告警文祥遣兵赴援五年正月解長春廳圍追賊  
及於昌圖朝陽坡二月軍分三路進賊悉眾抗士卒  
爭奮十數戰皆大捷擒斬賊目王宏義等馘三千餘  
級擒三百餘名尋調吏部尙書四月賊首馬傻子勢  
蹙乞降磔之解其黨留兵餉授將軍都興阿俾清餘  
孽遂請蠲奉天地丁銀米停鋪捐五月回京仍管理  
火藥局充崇文門監督十二月

文宗顯皇帝實錄告成

賞文綺鞍馬加三級子熙治員外郎六年八月署翰林院掌

院學士九月文祥五十生辰

御書宣猷篤祐扁額福壽字並諸珍物

賜之七年三月充會試副考官閏四月署神機營印鑰七月  
以擒逆平加軍功二級十一月纂修勦平粵擒方略  
充總裁八年因病三疏請假十月

上遣御醫診視給人葭八兩十一月請開缺

予假兩月十二月丁母憂回旗穿孝

上嘉文祥母教子有方

賜祭一壇治喪銀二千兩九年四月百日服滿因病乞假



予兩月並給人葭五兩六月續假一月會天津民教滋事文  
祥力疾回京九月以病未痊請開緊要差使得

旨毋庸管理理藩院國子監嚮導處並開對引大臣閱兵大  
臣十年以吏部尙書協辦大學士十一年四月稽察  
欽奉

上諭事件處六月授大學士管理工部事務充

武英殿總裁七月授

體仁閣大學士八月方略告成

賞加二級九月

大婚禮成

加恩在紫禁城內乘二人肩輿十二月充

文淵閣領閣事十二年以明年

慈禧端裕康頤皇太后四旬萬壽並

上親政後初屆元旦

特恩優敘十三年因病請開缺

賞假凡六次六月日本窺臺灣文祥強出籌戰守因上疏曰

方今時事可慮者甚多而以圖自強禦外患爲亟當  
議和之成無人不爲自強之言十餘年來迄無成效

其故由於鄙棄洋務者託空言而無實際狃於和局者又相安無事而恐啓猜嫌卽或悉心講求防務復阻於財賦不足而莫可施展今變端已形事機已迫若再不措意一旦大敵當前將何所恃伏願

敕下戶部內務府寬籌餉需裁減浮用停不急之工作謀至急之海防俾部臣疆臣皆得專力圖維至自強之道首在虛懷納諫以求政治之得失勿以將順之言爲可喜勿以直遂之言爲可憎

皇上憂勤惕厲斯內外臣工振刷精神不敢蹈玩泄之積習

三  
三  
否則狃以爲安不思變計恐中外解體人心搖動其  
患有不可勝言者矣

上嘉納之日本事平偕恭親王等策海防六事一練兵二簡  
器三造船四籌餉五用人六持久請

敕中外大臣僉議如所請行文祥復疏言臺灣一事以備虛  
力繼將就完結心殊鬱憤要不能不思患豫防前月  
總理各國事務衙門奏籌海防遠謀持久尙待從容  
會議而目前尤以防日本爲尤亟日本與浙閩一葦  
可杭倭人習慣食言難保必無後患且彼國近以改

舊制失人心叛藩亂民一或崩潰則我濱海各口岌岌堪虞明季之倭患可鑒也今臺灣一役彼理曲而勉就範圍儻他日強詞尋隙別啓釁端或陰與西洋各國合謀雖欲委曲遷就勢亦不能夫日本東洋一小國耳略習西洋兵法購二鐵甲船竟公然爲中國難而沿海疆臣僉以倉卒無備不便決裂若不及今亟求整頓一旦生變必更棘手請

敕沈葆楨等悉心籌商酌留在臺兵勇布置全臺事宜以善其後南北洋通商大臣迅速籌款購鐵甲船水礮臺

三才圖會卷一  
及軍械勿以倭兵已退稍涉鬆懈

允之十二月授

武英殿大學士光緒元年三月復請開缺

諭開鑲白旗滿洲都統毋庸管理工部神機營以大學士

在軍機大臣總理各國事務衙門行走俟病痊入直

九月

上躬送

穆宗毅皇帝

孝哲毅皇后梓宮暫安

山陵文祥留京辦事

諭日午散直毋庸直宿並佩正黃旗滿洲都統印鑰文祥  
在軍機大臣任五屆

京察均下部議敘十二月復以病請解樞務

上不許疊

予假調理二年五月卒遺疏入

諭曰大學士文祥清正持躬精詳謀國忠純亮直誠懇公  
明由部曹荷

文宗顯皇帝特達之知洊升卿貳並令在軍機大臣上行走

復蒙

皇太后

穆宗毅皇帝重加倚畀同治四年奉天馬賊肆擾

特派帶兵出關剿捕地方賴以廓清旋經簡任綸扉深資輔

弼於國計民生利病所關及辦理中外交涉事件無不  
盡心籌畫實爲股肱心膂之臣祇以積勞成疾屢請開  
缺朝廷寬予假期會遣御醫診視賞給人蔭俾安心調  
理並於召見軍機大臣時疊次垂詢方冀克享遐齡長  
承恩眷茲聞溘逝震悼殊深著賞給陀羅經被派郡王



銜貝勒載澂帶領侍衛十員卽日前往奠醊加恩予謚  
晉贈太傅照大學士例賜卹入祀賢良祠賞銀三千兩  
由廣儲司給發賞給騎都尉世職卽令伊子熙治於百  
日孝滿後承襲任內一切處分悉予開復應得卹典該  
衙門察例具奏靈柩回旗時沿途地方官妥爲照料到  
旗後著崇實前往賜祭一壇用示篤念盡臣至意尋

賜祭葬

予謚文忠子熙治員外郎襲世職



文文忠公自訂年譜上

嘉慶二十三年戊寅九月十七日戌時予生於遼陽  
任所生時舌黑火盛 先大母憂甚寄名於瀋陽小  
西關外

關帝廟

二十四年己卯二歲甫生齒齒亦黑 先大母憂逾  
甚延醫服藥幾無虛日

二十五年庚辰三歲冬底出天花極順然聞 太夫  
人云 先大母爲予焚香拜佛額幾腫今追思 先



停柩三載日日晚間攜予等至靈前叩拜始終不懈  
四年甲申七歲延同城老佾生曾先生諱爽授讀

先大父鍾愛囑勿過嚴秋初甫讀至上論師卽病故  
學輟

五年乙酉八歲同巷常宅設塾與兄出就外傅師爲

山東諸城縣生員趙公諱有成歲底讀至孟子天時

章是年先君爲先大父置服役人王氏嗣於道光廿五

年病故葬老塋後予幼時極蒙撫恤至今每遇祭掃必竭誠叩拜

六年丙戌九歲仍在常宅從趙先生讀先生嗜游時

常帶予等向各處閒走且好誇張攜予等在教官衙門講書以矜其功然所講皆口頭禪非真實學也

七年丁亥十歲常宅另延一師亦趙姓諱尙綱係遼

邑老童生子與兄仍就讀師疏懶曠功較前師尤甚交冬四子書尙未讀竟蓋自酉春至亥冬學如未學

矣是年移於所居南街

八年戊子十一歲從楊先生讀諱萬青遼邑增生塾距家

甚遠師亦稍寬是年予又患胃熱咳血僅將四書讀完冬與兄赴瀋挑官學生記名兄列第十予列第十

一是冬蓄髮辨  
俗名跳牆

九年己丑十二歲仍從楊先生讀初授詩經講論語  
稍能領會學做二韻詩夏間又患翻胃證食後卽吐  
冬初始愈學復輟是年春弟聘鈕祜祿氏秋七月四  
從弟文超生

十年庚寅十三歲因上年患病兄及同窗中向讀詩  
經者均已讀畢予甚愧入塾後發憤誦讀三閱月卽  
與衆人同讀書經蓋予本滯鈍質遜於人而性躁又  
不肯居人下故一生用力較苦自十歲起皆從楊先

生讀

十一年辛卯十四歲楊先生赴鄉闈代請陳先生就  
伊館是歲作六韻詩開筆學作八股秋八月先大  
父逝時年八十五歲先君哀毀倍至予弟兄素承  
鍾愛亦慟泣不已是年弟已十一歲始從陳先生開  
蒙弟聰慧先君愛甚故就傳甚遲陳先生諱錫  
太夫人智山東招遠縣生員

十三年壬辰十五歲讀禮記誦古文陳先生課讀嚴  
而有法講書尤真切然以速成爲戒以故歲暮僅作



至兩大比是年春聘瀋陽滿洲舒穆祿氏筆政如公

諱茂之女長予一歲

十三年癸巳十六歲陳先生以舊讀經書未能清誦  
命溫習之不令讀易經僅兼誦古文時文夏初甫完  
篇值先君患病予憂甚奉侍湯藥月餘先君病  
愈始復就學旋值先君赴省京察予以先君新  
愈體氣尙未復元乃隨往朝夕不離左右復曠業半  
載是秋所聘舒穆祿氏故距定親僅年餘聞聘妻甚  
孝因父母患時疫親侍湯藥染病而歿

是秋又移於所居後街官

遼邑三十餘年自此始典房居住然典價尚有一半借自友人宦况清苦可知矣

十四年甲午十七歲陳師回山東從高先生讀

諱曰

登遼陽生員師雖老授讀有名是時予見入泮者心羨極

且憂家貧而名不立乃晝夜攻苦師又善誘掖暇時

爲予等講史鑑勵以修身立品功夫頗多領悟讀左

傳再講四書文境大有進益師亦甚爲許可惜受業

僅一年耳是年聘瀋陽正黃旗漢軍貢生德公

印謙

之女潘氏長子四歲初聞岳家甚充裕予恐貧富相

形難以爲偶後知爲書香世系心稍安

十五年乙未十八歲高先生因老病回鄉延屯居之

張先生受業

諱

雲龍

漢軍正黃旗生員

嚴於督課舊讀之書

至此始清誦惟文境殊少進益是年初學作賦苦於記誦甚少措詞頗窘冬從兄完婚

十六年丙申十九歲與兄應童子試不售先君因

考筆帖式場期臨邇令予等學清文冬十一月成婚

予雖學清文猶時讀八股未忍廢棄是年五從弟文

衡生

十七年丁酉二十歲先君欲急爲納監備考而限

於力薄僅爲從兄報捐予則由岳丈代捐受岳家

培植自此始夏間與兄赴瀋寓五姑母家卽今表遂

從兄之外祖德公諱克進布學繙譯

十八年戊戌二十一歲夏四月入筆帖式場向來此

試不獨繙譯係一人捉刀闔場同用卽試卷亦多倩

人代寫家本無力且亦恥於槍替弟兄均自寫試卷

予卷尙欠半行未完陡患病不支兄卷已完且佳甚

因代予補足榜發皆外孫山兄忿極棄筆硯學弓馬

擬入行伍予自揣體弱礙難投筆從戎且見是科會

墨覺中式者不過爾爾於是頓生妄念仍理舊業轉  
思家道素寒即令尙堪應試盤費又將何出况學力  
本淺數年來又時常曠功入鄉闡談何容易念及此  
甚費躊躇是年冬弟完婚

十九年己亥二十二歲因上年初讀墨卷

向來業師以大家文

爲重恐予等學墨卷故不令見此物

仍覺鄉會文易於揣摩妄念不息

於是大肆攻苦是時舊師楊先生猶設帳復從看課  
師因子家寒不受束脩心甚感愧夏間岳母來遼

看視述岳丈意云聞予欲就科場甚喜恐用功不

專邀次年赴瀋讀書 先君雖不欲負累親戚然重

岳丈命勉爲許之是年從姪春麟生

二十年庚子二十三歲正月赴岳家讀書所延師係

岳丈舊日窗友漢軍正黃旗生員 春旭先生 諱景

暉素有文名且善書是時 岳丈承繼子 印興緒已

七歲入學開蒙館中僅予郎舅二人極清靜功課甚

專 春旭先生課文得法 岳丈復時常指點多有

所得夏 春旭先生擬鄉試予尙不敢往 岳丈欲

令觀場回家稟明 先君甚嗔予妄然亦以 岳丈

有成命未肯重拂厚意姑許之五月隨春旭師赴  
京寓東便門外月河寺地極幽僻朝夕用功不敢間  
斷場後師索觀予文曰氣機頗好然尙有渣滓惜未  
值同號與汝稍筆削耳予請觀師文甚佳愈覺無望  
師留同候揭曉予旣無興致又兼初次遠遊亟以  
雙親爲念刻卽先歸揭曉師落孫山予竟僥倖月河  
寺地本僻奉省滿合號又罕有寓此者京報無從知  
悉迨小陽月朔接春旭師由京觀榜之賀函始知  
獲售先君喜不待言岳丈尤喜甚曰昔我先

君嘗欲爲孫女擇一科甲壻今果如願矣冬赴瀋具  
呈請咨赴會闈兼備覆試

二十一年辛丑二十四歲正月擬起程赴京 岳丈

以無人伴送不甚放心且欲借此一游燈節前卽攜  
予入都仍寓月河寺日日攻苦覆試前 岳丈先歸

留富坦園伴予

坦園是時在  
鋪學習是以率

岳丈典  
往

老僧因上年

寓居足不出戶相待較同寓諸人甚優於公共飲饌  
外恒另饋茶點本年僅予一人下榻欸待尤殷勤場  
後自揣闈作逾於上年默念或許僥倖乃榜發竟落



于文憲公(字)手札于文憲公(字)手札卷二 26

第歸後甚掃興 岳丈及 春旭先生勸勉甚切回  
家省視月餘仍赴瀋讀書於岳家

二十二年壬寅二十五歲春初即赴岳家讀書四月  
聞家中失火急回省視先是下人獲竊柴者逞忿毒  
打未幾夜間即有人在柴塚放火幸鄰里羣集撲滅  
迅速未致延燒房間然從此每夜拋甓擲瓦幾無虛  
日家中向無更夫下人又少予恐 先君太夫人驚恐晚  
間與 叔父及弟更番隄防不能安枕於是又廢學  
多日斯時有人勸予出入公門謂可致富者此等事

不獨先君深以為戒即余亦心鄙久矣由是屏絕  
酬酢輕易不出門戶人多訕誚焉是年胞姪女生照  
從兄所生女排為第三

二十三年癸卯二十六歲先君小有煩躁病然體  
氣精神甚健尙不致貽誤官事惟向來宦情本淡又  
方正自守於時勢多不相宜自念官遼邑已三十餘

載頗思故土擬告病開缺時值有刑部筆政德公著

欲與先君呈請換缺向例內外城筆政如欲各就  
廬墓准呈請對調凡調優缺

者資助苦缺遼陽優刑部苦德公欲資助先君  
不可親友勸之再四始允然先君終以為歎四

月全家移回瀋陽以轉典遼陽住房原價及德公助

項買大南關玉皇閣前街住房十餘間用價四千五百餘千又

接典內務府王姓鐘樓南市房一所用東錢二千餘千此外

囊無一錢矣親丁二十餘口食指愈多進項愈少未

幾鐘樓南市房租住者又復歇業此房僅取租一月即行關閉後始知

門面房內有一間係王府地基另取地鋪租銀接典時為原業主所騙此後與原業主涉訟至今案未結

文契仍存糧廳衙門其房景况益窘不數年並將舊

無人接租現已坍塌殆盡舊產係先大父當年至是愈形拮据

產典當殆盡所置共取租六百餘千

家  
中  
恒  
無  
隔  
宿  
糧  
然  
先  
君  
處  
之  
怡  
然  
蓋  
先  
君  
向

七

來恬靜不爲境遇遷官遼時卽係如此遼陽筆政一  
缺專管稅務兼理城守尉衙門詞訟俗稱美缺前後  
居斯任者皆能富有 先君在遼遇訟案無不秉公  
速爲斷結稅務有不便於商民者悉罷裁之以故有  
青天佛爺之稱且口不言人過與人相處無論貴賤  
悉本忠恕之心而性最孝友遠近皆知往往涉訟者  
遇 先君聽斷則兩造感愧自願息訟瀕行時軍民  
擬郊餞 先君先期避道行軍民走送不及至今尙  
有去後思 先君回省後有素識捐復刑部候補筆

政宜公鉅聞先君不欲再入仕途望補先君缺

商請資助先君前受德公資助已非所願因答曰

一之爲甚豈可再乎彼此相交最契予何妨爲兄成

就此舉於是未到刑部任卽呈請開缺宜公後因子

官京職擬備資助予予亦未受先君深以爲然予

今日居官處事猶遵先君家訓然自問持身律已

迴不及先君居心出於至誠蓋時時慚懼不已是

年夏仍赴岳家從春旭先生課文先生長子成名善號寶巖是年

入學

二十四年甲辰二十七歲又赴禮闈仍係坦園相伴  
至月河寺老僧已故予欲另覓寓所其徒云老僧遺  
言文公將來必於本寺有光至時務留下榻切勿慢  
待予感其情仍寓居焉揭曉後又不第甚惆悵自念  
親老家寒亟於博升斗粟爲養親計聞明歲又將考  
筆政擬仍就滿場至家後 岳丈盼予成科第甚切  
力勸勿就予因是年薦卷並邀堂備熱念亦不息於  
是仍就岳家讀 春旭先生已回家寶巖授妻弟讀  
與予互相切磋最相契是年五月初一日丑時長女

生子歸甫數日耳女命名會格取中會之意冬月十九日姪凱肇生

二十五年乙巳二十八歲又值

恩科竊念自納監以至近年讀書赴考凡所需束脩盤費皆係岳家資助屢負厚望慚愧難容此行若再不售不獨無以對岳家且何以對親友遲疑不果者累日先君亦謂不可屢次徒累親戚乃岳丈力爲勸勉是時坦園有他事岳家另命老成家丁劉姓相隨至京同伴人不欲住月河寺改寓奉天會館仍力爲攻

苦場後自念會試已歷三科未知命運究竟若何中  
夜輾轉恒不成寐聽報之前一日心中百感交集竟  
夕無眠天明後同人皆赴街頭看紅錄予則在館癡  
坐其况味可知飯後報錄者至竟以三十九名獲售  
喜出望外報至奉省正值幼女出天花極順岳家之  
喜殆甚於先君者岳丈立遣坦園赴京持會  
銀五百以濟資斧坦園至京值予已殿試朝考畢引  
見以部曹用俟予籤分工部入署後坦園方歸予候十月  
覃恩以便請



封

覃恩前告假  
不准請封

冬月請假臘初抵家叩謁 雙親悲喜交集

尙未及赴岳家叩謝 岳丈已來宅看視其喜可知

先君每以予不善書中式時不畏歸班深畏以知縣

卽用蓋恐性拙於外官大不相宜後用京職心稍慰

然又念住京資斧無出深以負累親戚爲憂父母愛

子之心無所不至矣

二十六年丙午二十九歲新正商請

先君擬作  
太夫人

迎養計奈 雙親以故土難離又以弟在省當差不

欲就養假期屆滿催令攜眷赴都予仍力請 岳丈

亦從旁婉勸始終不肯並諭予云俟汝弟得有升階  
引

見時必一同前往彼時卽順便住京就養然此不過 雙親  
慰藉之詞且弟之升階尙不知在何日能無倍深依  
戀嗣復催令起程不敢重違 親命四月勉強就道  
叩辭後途中補淚時時不乾矣 岳丈親送予夫婦  
至京暫賃前門外取燈胡同房居住凡日用器具及  
當差車馬無不代爲備製諸事定 岳丈始於六月  
歸里並念長安居不易自此每歲恒寄三四百金以

資用度爲壻女計者可謂周備矣此後予以京職薄  
宦而能講操守不致有玷家風者皆岳家培植之力  
也然予從不言報亦不言謝蓋施之者原非望報而  
受之者亦欲報不能徒謝何爲祇好勉圖上進以期  
勿負厚情耳秋七月移居城內交民巷徐宅房是秋  
寶巖鄉闈獲捷情關同硯倍加欣喜寶巖未候揭曉  
卽旋里予爲之看榜寄賀函亦如 春旭師爲予觀  
榜報喜時可謂巧合矣

是年正月赴朝北營子 春旭師處叩謝旋赴

遼叩謝從前受業各師

是時曾趙趙高四位先生均已逝世陳先生早

回本籍惟楊先生張先生尚在

即有燒當店棧各商鋪首羣來

相賀並云太老爺在任我等受福處較今日大

相逕庭

遼陽筆政司牛馬稅暨當行生息店棧斗秤各事故眾商云然

臨行時

知宦囊空澀曾擬集資餽贖乃太老爺不獨不

受且令我等走送不及至今追感不已現在幸

喜少先生

遼陽風俗厚予少時商民多如此稱謂

顯達來此眾甚

欣悅然府上景况我等素知此後住京資斧不

易現已商定大家仍欲相助以備京中用度幸

勿再卻使我等無顏予謝云深感厚情然曷敢  
有違 嚴訓擅自收受眾人散後尙聚議不已  
予深恐糾纏次日卽行嗣有笑予者曰此乃心  
悅誠服之錢何不可受且文某以受此等資助  
爲恥獨不以受岳家資助爲恥乎予付之一笑  
而已此中道理固難爲囿習俗者解附錄於此  
後人其深體斯意勿見利思遷致墮家聲也可  
二十七年丁未三十歲是年寶巖春闈聯捷亦以部  
署用並籤分工部漢軍補缺最難 春旭師恐告假

扣資補缺更遲示令不得請假旋里擬明年來京看  
視云云寶巖於是留京供職朝夕盤桓仍如供几硯  
時予常謂金榜題名他鄉故知予與兄共兩喜矣是  
秋同寶巖寫字作詩文以備考差予並學作賦兼備  
補缺後還可轉入翰詹衙門

二十八年戊申三十一歲十月學習期滿奏留以本  
部題選主事補用是年幫屯田司掌稿冬 春旭先  
生來京師弟盤桓甚喜然寶巖尙以未能省視伊太  
夫人爲歎而予則觸目動懷以不能定省 雙親爲

恨游子思親境不同而情則一焉

二十九年己酉三十二歲春二月 岳丈來京看視

三月補本部堂主事乃選缺也向來題缺升途速選

缺升途遲予向守 先君訓不敢營求故屢逢題缺

未能補授然嗣後予升任工部侍郎時當年先子補題缺者尙有二人仍充司員任足見人當

安命躁進何爲 岳丈將旋里妻欲隨往 岳丈初不欲予

自恨爲薄宦所羈念妻回家可以稍代溫清因代懇

岳丈乃攜妻女回瀋予因邀寶巖同居朝夕用功頗

不寂寞四月考差寫作僅無錯誤然切盼得差冀資

奉養乃秋間同考之文式巖放河南副主考

式巖印格亦同

鄉甲班於甲辰科分工部

予則無分然各有命運不敢怨尤八月

值揀選國子監司業例應入選

是缺乃翰林升途向來翰林內班無人則

以部署外班按科升轉是時改為揀選

部署甲班以題缺升途速皆盼

一等放道府不願就此途予本選缺且司業乃國子

監堂官與卿貳一體職甚清貴縱使將來轉入翰詹

或有大考之虞然命有由定何不可就惜終以科分

較淺未能選入冬十二月十一日值

孝和睿皇后大事次日又值



孝德顯皇后大事

是時尙居潛邸福晉位

予派充兩處執事甚忙是年

五從弟文衡病亡讀書甚慧年僅十四可惜

三十年庚戌三十三歲正月十四日又值

宣宗成皇帝升遐派予充小升輦差職居小臣感恩則一每

於

几筵執事不勝悲涕四月本部又派充總辦專辦

孝德顯皇后大事時往 暫安處住班五月十一日忽奉

訃音驚悉 先君因患骸疾旋變牙疳醫藥罔效竟

於四月念九日棄養搶地呼天五中摧裂俯念因貧

而仕不過爲祿養計乃養未至而親已逝縱使異日  
列鼎椎牛於吾 父何益况數載宦游久違色笑生  
不能定省無虧歿不能親視含殮不孝之罪百身莫  
贖當卽匍匐奔喪於六月中旬抵家撫棺哀號慟不  
欲生 太夫人及叔父泣告予曰衣衾一切幸有汝  
妻預爲備製汝岳丈代爲經理尙不草率汝須料理  
殯葬勿徒哀毀不得已忍慟支持勉襄大事七月初  
旬發引以 祖塋山向不宜暫厝大南關外關帝廟  
又因 祖塋係族中公共之地擬另覓新地夏間隨

地師向各處覓地迄無合式者奈已百日服滿只得  
先行回京擬明年再請假安葬 先君守滿洲舊制  
向不稱字聞訃時京職同鄉前輩送輓聯贈號厚菴  
訃文內遂遵稱焉是年十月初七日姪凱元生

咸豐元年辛亥三十四歲三月請假旋里至濟敬謹

料理葬事復延素識之劉夢瑚再覓新地

夢瑚即孔  
謂金州廳

貢生學品兼優後  
舉孝廉方正不就

至 祖塋伊云風水甚好並指

先祖墓左一穴尤佳正當 先君分位力阻不可另  
覓他處予相度地勢尙不甚狹惟恐 叔父及下輩

按昭穆葬不敷應用 叔父亦勸予勿再遲疑並云

將來我及汝等不妨再覓新地予心始定於是擇吉

立向 早年僅知面向數十里外紅寶石山為准不知有分金立向之說至是夢瑚始定為丑山未向

兼丁丑丁未分金於四月初安葬 岳丈並為備置外槨余

心至今尤為感切 塋內先年僅有大楊樹一株餘無他樹 先君在時

屢次付錢與族人囑種樹皆為騙去予時因有族兄

承成者人尙明白知顧大體 即今恩壽之父 因付伊錢若干

囑為種樹並於塋東支一窩鋪雇人看守 後於同治四年改修

仰瓦房三間即今看墳人所住之房 又因墳前後俱有車道相距太近

復買墳後蔡姓等地

其文約存凱華等手

將墳後車道展至所

買地內立石椿四根為誌墳前舊有地一段係墳上

公產地南偏西大樹下

尚有老墳一座代遠年湮世系無考僅知祭掃而已今四

季仍舊上墳

因將前面車道攔閉並將前段地鏟平不種

收入後坐俾前後墳相連僅南面偏東尚有墳二座

係趙姓早年所葬之墓其地係何人之產亦無考察

自此樹木始能滋生成林

墳上修飾及種樹一切費用雖由予出然能以不致

踐踏及今樹木得以長成者族兄承成之力居多故予待恩壽較厚也

葬事畢擬請

太夫人就養 太夫人云汝弟已得領催不日即可

揀放驍騎校引

竟時我必同往弟已成立我無牽望彼時定要住京矣此刻  
汝先攜眷回任勿得拘執流連再三婉請不肯俯從  
含淚叩辭遊子之傷較丙午年尤甚五月回京供職  
移居東裱背胡同思親不置但祝吾弟早得升階請  
母赴都耳

二年壬子三十五歲夏引

見中允未蒙

簡放是缺爲詹事府副堂升途與前記司業是年予於本部  
缺相同此刻亦改爲統帶引見矣

兼行處漸多薪俸飯銀較增於是力為節省始稍堪

自立矣歲底 孀母逝予與從姊同年生子缺乳

孀母以餒餅哺從姊留乳濟予 太夫人時常述及

予心感之猝聞逝世不勝悲愴因設位持服焉

三年癸丑三十六歲正月

### 孝和睿皇后奉安赴

### 陵執事值髮逆陷金陵

先是廣西土匪搶劫習以為常官吏因循不理漸至肆行無忌至道光三

十年賊首洪秀全等接踵而起居然蓄髮變服僭號  
謀逆然眾不滿千極易勦辦奈大吏畏縮營伍又廢  
弛日久以致賊勢鴟張釀至 簡派重臣督師亦  
不能勦捕賊隨連陷府邑竄及兩湖焚掠殆遍官軍

調至十數萬亦無可如何不過遙爲尾送而已至是  
擾及三江如入無人之境卽嘉慶年間川楚教匪亦  
未有如此之甚然則是時遠近大震差竣回京則人  
星火燎原可不慎歟

心惶惶闔城錢鋪於二月初同日關閉京師已設防  
任京職者紛紛告假出都有勸予同作走避計者予  
心以爲非照舊供職入署倍勤五月接弟信已授驍  
騎校起身來京引

見心甚喜然信內未經提及 太夫人同來否予日盼之至  
日則弟僅隻身來云以金陵之變恐道路不靖 太  
夫人不欲同來予大失望轉念都城光景暫不請



太夫人來亦可弟旋里因與商確擬稍定仍請就養  
乃秋九月髮逆北犯直逼天津所過府邑成墟京師  
益惶惑內外城均設嚴防京官甚有不待請假卽倉  
皇出城者是時予雖以老親爲念奈忠孝不能兩全  
有弟在家侍奉予則盡職可耳位雖卑義不容逃因  
此卽眷屬亦不作東旋計未幾巡防王大臣調予差  
遣派充文案處總辦本部復派充火藥局監督加以  
署中辦事人少於是晝夜奔馳不遑暇處體本弱又  
眠食不時從此得勞碌之疾冬初因科分較深堂憲

恐升轉翰詹專摺奏留以本部題選缺員外郎補用  
是年三月遵太夫人諭置侍妾白氏妾幼失父母  
僅記爲涿州人云時年二十四歲十月念六日寅時  
生無他長僅取其樸實耳

四年甲寅三十七歲二月補都水司員外郎署料估  
所掌印賊先於正月分兩股一竄踞直隸連鎮一竄  
踞山東馮官屯官軍分路圍剿夏四月連鎮報捷軍  
務稍緩竊念如巡防撤後或稍可休息並料理迎養  
詎意秋初本部右堂載印齡奉

旨前往陝西查辦事件奏帶充隨員力辭不獲七月下旬起

程行至山西

密旨始知係查辦四一案件予沿途深恐騷擾地方時時嚴

防下人舞弊遇有餽贖概不收受然性拙而不善處

置大為同人所惡

欽差一係本部載一係閣學崇實隨員係戶部主事延

勳刑部主事邊實誠惲鴻儀本部員外郎九月抵川

那謙同予六人予與延邊盧三公最相契  
至十月查辦甫畢又奉

旨查辦他案十一月中旬始差竣起程抵陝載堂

簡署陝撫予等隨崇堂回京除夕在山西聞喜縣北相鎮度

年時接京信 岳丈因予出差恐京宅無人照料已於秋間來京且以所居湫隘另賃台吉厰房於冬初已移徙矣並悉秋間弟引

見防禦擬陪予深恨直隸尙未肅清又值出差未能商請

太夫人來京尤以未得見弟闊談爲歎孰知此後與吾弟永無相見之期思之可慘是行所經各省均有軍務不無戒心幸途次尙未遇險可稱天佑

往返另有日行

記

五年乙卯三十八歲新正於直隸并陘途次復接京

信知予於上年冬已列京察一等那公不獨未列一等且摘去印鑰予自幸不爲出差所累至得列一等與否尙在其次正月底抵家方知岳丈在京守候相見甚喜二月初京察引

見未蒙

記名予以老親在堂不欲外放無足介意岳丈前恐擾予神思至是出年前家信始驚悉吾弟於上年冬月以時疫作故不勝慟切吾弟年僅三十有五甫有進階卽如此天促况素爲太夫人鍾愛忽遭此變情

何以堪予斯時旣悲鴈序之乖愈切萱闈之念更不知  
太夫人此際慈體若何二姪俱幼膝前再無奉  
侍之人立欲請假迎養 岳丈再三勸慰許以歸後  
命人妥送 太夫人來京不得已從之旋接家信  
太夫人與 叔父商定以無力另覓新地弟柩不可  
久懸已於四月間附葬於 先君之右矣然位在  
先大父之前予心尙未釋然奈已成之事不便改作  
岳丈旋卽歸藩時馮官屯髮逆稽誅巡防處未撤予  
照舊當差惟日盼 太夫人來京乃三月間又爲本

部正堂全 印 慶奏帶隨往天津驗收海運事前並不  
告知迨奉

旨後已不能辭矣予以上年出差大費周章幸以拘愚未招  
物議此差又係素稱名利兼收人多求之不得者偏  
又派往益為滋懼躊躇再四只得預先稟明不收外  
省薪水不受地方供應並事竣不邀保獎 是差南省  
名曰薪水本地方預備供應甚幸全憲及同人不以  
豐差竣復有升階花翎厚獎為非且深見重三月中旬抵津勞碌病體於該處水  
土尤不相宜又兼思母慟弟病益深然不能不勉力

當差五月馬官屯報捷奏撤巡防予於差次蒙獎知  
府銜並

賞戴花翎加軍功三級六月差竣全憲又欲保獎予以預會  
稟明且已蒙巡防處厚獎豈可重疊邀

恩辭之至再全憲曰若如此則同事諸人難以請獎我為汝  
僅請加銜並非升階外放諒必心安予恐誤他人事

勉從所擬於是請

加道銜

此次欽差一係全憲一係倉場侍郎文印彩隨員  
係戶部郎中王支端員外郎恭釗工部員外郎陸簡  
金同予四人皆能  
謹飭幸免物議

回京後憊甚請假調養未半月又



于文憲公(家)于九月又(家)公(家)于(家)公(家) 26

遇

時日大石(家)道憶有誤

孝靜康慈皇后大事

時尙未

太后

追堂憲派予充總辦連番

催促不得不力疾入署值庫欸支絀竭力經營於節

省中又不敢誤事殆心力交瘁矣

成案應銷十一萬餘兩此次改用錢

款自始至終僅銷三十餘萬千以時價合銀止五萬餘兩蓋節省過半矣然所裁者浮費耳於典禮並未

少秋九月 岳丈命坦園及四從弟送 太夫人來

京相見悲喜交集自此稍有天倫之樂然此事予感

岳丈情尤切十月題升虞衡司郎中十一月又因恭

辦

奉移事畢蒙

賞加三品銜深喜未入外官升途是年充本部清檔房總辦

掌司務廳印鑰

六年丙辰三十九歲春

岳丈代請劉慎之

印

銘箴

來京授二姪讀慎之初業儒旋就貿易歇業善寫算  
岳丈蓋恐予差繁不能顧家務半欲伊代爲經理四  
月以人口多房不敷用移居兵部窪中街秋值京察  
復帶蒙

記名旋蒙

召對初近

天顏不勝戰慄乃

聖諭溫渥垂詢出身履歷及當差年分甚久幸覆奏無差出  
已汗透重衣予向年本不欲就外任現值弟又逝世  
太夫人已逾古稀儻蒙

簡放軍務省分子雖不畏險阻究不能請 母隨任彼時更  
進退兩難遂於次日呈明親老請留京供職同寅多  
勸仍就外任以免清苦且謂過慮何以預知必遇軍  
務省分子曰與其後悔將來莫若綢繆未雨况人各

有志自問亦不勝外任之職是年歷掌營繕都水二

司印鑰

七年丁巳四十歲二月值

御門放缺蒙

恩簡放太僕寺少卿喜甚從此長任京職可以朝夕侍養矣

次日具摺謝

恩垂詢承辦

募東陵大事

是時 孝靜康慈皇后將次 奉安予 於上年派承修 募東陵工程仍兼辦大

事及出差川省各情形極詳細

聖恩優渥感激難忘旋工部堂官奏請暫留本部恭辦  
募東陵奉安事宜六月差竣同京始赴太僕寺任事自此後

屢蒙

召對矣太僕寺公事極簡除堂期進署及赴

園奏事別無要件時所居東院舊有廳事三間花木十  
餘株多年荒蕪閒中打掃潔淨侍養之餘看書寫字  
調理陳疴因念 岳丈從前爲經營一切不獨視女  
如兒抑且視婿若子今雖有承繼之內弟然已身所  
出則止此一女且婿居半子之名予從前若非岳家

培植亦何能臻此飲水思源難忘所自於是以應得

三品

封典請

貽封

岳祖

父母

岳

父母題奏

允准無足言報不過各盡其心而已冬體稍強臘初又奉

旨派往巴林蒙古貝子處

賜奠尙未起程又蒙

恩簡放詹事府詹事是缺乃翰詹衙門登峰造極之官以外

部甲班任此清貴既喜且慚次早謝

恩恰值封篆卽於是日到任有人曰三品京堂向不出  
賜奠差可以咨行該衙門奏請

改派免受辛苦賠累予以奉

派在前升任在後且

君命焉可規避仍料理起程事宜是歲十一月妾生次女

太夫人命名擇小望招徠小孫之意

八年戊午四十一歲正月初旬具摺請

訓召對時

訓以嚴束下人各事敬謹應對十三日啓程預先咨行經過

各處於照例支給廩餼及更換驛馬外不得預備公館酒席途中所經皆沙漠兼多毳幕天尙嚴寒較四川差尤苦此行無副使僅隨帶理藩院郎中一員彼此統計跟役共五人餘皆蒙古官員及站丁等易於管束二月初抵巴林卽日

賜奠禮畢該處餽遺馬匹銀兩甚厚一概辭却福晉及小貝

子率眾再三跪求予恐失外藩心僅收哈達一具如長

巾以白色綾爲之蒙古人見尊長呈此爲敬復進杯酒少飲卽返轡行中

途過蒙古廟禮佛卽以所受哈達供案前蒙古仍走



送謝卻之

此次另有巴林日行記

三月初差旋覆

命召對時

詢及出差事據實詳細覆奏

天顏甚霽差次蒙

簡充 日講起居注官是日一併具摺謝

恩至家叩謁 太夫人甚喜三月初蒙

恩派署刑部左侍郎是月中旬在刑部署任補行引

見詹事京察奉

旨照舊供職

京察年凡五品至三品京堂均另班引予差竣雖署侍郎仍係三品故補行引

見

是月又蒙

恩補閣學仍兼署刑部四月天津海口失事

卽英吉利法郎西初次北犯事

也京師戒嚴再設巡防蒙

派署鑲黃旗漢軍副都統缺任守城之責是月

派閱考試差卷五月天津事稍定二十一日忽蒙

恩命在軍機大臣上學習行走聞

命之日自揣才力萬不勝任尤切悚惶次早謝

恩另班

召見極力叩辭未獲

俞允從此常懷退志然未敢再乞惟日夜滋懼益加兢惕耳

六月遷禮部右侍郎七月充署

經筵講官八月兼署戶部右侍郎兼管錢法堂事務九月

派恭送

實錄

聖訓各項差請

訓時

上詢至家後請假否蓋尙

記前歲以親老請就京職事予據實回奏現已迎養不敢再

行請假

上首肯之

天恩高厚曲體臣子之心有加無已實足感泣

是行往返皆係自備資斧

先期命人於途中賃定店寓

岳丈亦命人迎於山

海關代為預賃尖宿各處予自出四川差以後每遇

出差皆不受

地方供應 十月至瀋候擇吉

尊藏小住五日僅赴南塋祭掃無暇赴 孀母新塋惟望祭

而已

從兄已於城東四里窪另立新塋

適值妻弟於本年六月猝染

時疫作故翁壻相對之餘難免彼此心酸而 岳丈

卻極力忍慟強作歡笑詞色予恐引悲慟亦不敢詳

為詢及因潛往厝所哭祭

妻弟性醇謹 岳駁極鍾愛昔年與予共窗視親密

如手足上年補刑部筆政赴京引

見予見其悃

福無華且已成立心甚喜不意年甫二十有五即中

道乖棄尤

堪悼惜

十一月差旋蒙

恩賞紫禁城騎馬是月與同值者蒙

賜飯於

圓明園之澄虛榭

賜御用酒杯一石榻

御書齋莊中正 天保九如 桂林一枝 匾額三方是月

轉補吏部右侍郎

賜福壽字

向例初次僅

賞福字予蒙兼

賞壽字實

出曠典是日值

太夫人生辰得壽字賞尤可

喜自此歲歲

賜福壽焉

除夕復

賞喜字

九年己未四十二歲二月

派閱戊午科順天覆試舉人試卷三月充知貢舉

另有復日記

簡放鑲紅旗蒙古副都統四月

派閱 朝考卷八月復署理戶部右侍郎兼管錢法堂事務

是月又蒙

恩在軍機大臣上行走調補工部右侍郎並調補鑲白旗滿

洲副都統予益滋懼惟

天恩高厚雖欲乞休而不能九月

派閱己未科覆試舉人卷十一月又調補戶部左侍郎到任

未及五日戶部失火延燒幾盡幸大庫無恙次日同

官具摺請罪蒙

恩僅予革職留任是時仍兼署工部右侍郎月底方交卸職

初蒙

賜飯於

長春宮復

賜石搨

御書齋莊中正匾額一方

御用酒杯一並於例

賜福壽字之外除夕又另

賞福字

是年慎之為天津延去坐幕請張啓明授二姪讀啓明名燦直隸灤州生員

十年庚申四十三歲三月

派閱宗室進士覆試卷閏三月初十日酉時妾生長男 太

夫人喜極命名泰格

先是友人以銀娃見贈云係乞自泰山佩之生男得子後另製

銀娃送往泰嶽因以泰命名

予以其五行缺水火取官名曰熙泰



以二字字體暗有水火也是月

派閱本科進士覆試卷及江西等省舉人補行覆試卷

派署工部右侍郎並充對引大臣四月

簡放左翼總兵

俗稱副提督

五月

派閱朝考卷七月天津海口失事

上年英法兵船至海口僧王出其不意擊之大

獲勝仗本年併力領師來犯其鋒甚銳僧王又多牽制後路未設兵遂至大敗節節退至通州事不可問矣京師又戒嚴人心震動任京職者紛紛走避較癸

丑年尤甚七月我軍又由通州敗退事愈急有請

上巡幸木蘭者予恐搖動人心有關大局且塞外無險可扼

我能往彼亦能往力持不可冒死叩留

上意稍定尋復爲先入者所搖予急而請

見蒙獨對切言所以不可輕動之故

上頗悟退復與同人遞奏片詳細開陳利害以堅

上意始奉

諭旨勵軍勦敵

宣示中外朝野相慶未幾敵烽逼近言者遽倉皇入以危言

聳

聽遂於八月初八日請

上啓鑾留予署步軍統領

俗稱九門提督另

派王大臣辦理留京守城各事宜

諭令予隨同恭親王在城外辦理撫局勿庸駐城內然斯時

人心惶惑實任提督及右翼總兵均隨

扈行予一人兼提督總兵之職責任地方不能不入城以定

人心送

駕後與恭邸布置稍定酉刻趕卽入城登朝陽門閱視始知

守城兵已數日未領口糧且守具毫不足恃勢將瓦

解事急不及奏請只好開倉庫散放錢米

嗣補行又奏明

聞人聲鼎沸僻巷中已有搶奪之事刻卽示諭五營  
拿獲正法夜半人心始定歸家謁見 太夫人設詞  
安慰五鼓復出城與恭邸辨撫局仍飛催各路勤王  
之師並具摺

行在恭請

聖安兼奏城中已經安定以慰

聖懷晚復入城自此奔馳日無停趾斯時內外城搬徙已空  
大小官員未去者僅十之二 太夫人及眷屬仍  
在城未動又數日敵逼城下街無行人予慮 太夫

人驚恐始移請於易州鄉間暫避

寓易州樓山村  
庚子同年王宅

太夫人既出城子無牽掛夜則進城守禦晝則出城  
辦撫往來鋒鏑間已置死生於度外矣旋奉

旨命兼辦軍機處鈔發各省摺奏事件時奔馳城內外勢難

兼顧不得已奏請另

派大員署理步軍統領路梗未奉到

同批人愈少事愈多實為棘手九月中始奉

旨派侍郎麟

甲

魁署步軍統領月底撫局定迎

太夫人歸

雖幸骨肉復聚然念

上駐蹕塞外天氣苦寒於

聖躬大局均屬非宜因與王大臣具摺請

迴鑾未邀

允又以

淀園被擾雖另有守禦之人然地係五營所轄不敢不

具摺請處奉

旨僅革職留任是時予仍充左翼總兵及戶工兩部侍郎又  
派署管理圓明園八旗印鑰及鑲黃旗滿洲都統鑲藍旗護  
軍統領大亂甫定事如蝟集兼自七月底至九月中

衣不解帶目不交睫者七十餘日愁勞倍至既犯咳  
血之證又加氣喘之疾矣是年冬

上於行在仍照常

賜福壽字除夕予並蒙另

賜福字

聖恩優渥始終有加無已爲臣子者應如何圖稱且因辦撫

局與同事諸人並蒙

加恩優敘尤覺感愧無地矣

十一年辛酉四十四歲元旦朝賀於

午門外感觸無旣二月復具摺請赴

行在奉

批文祥著毋庸來是月授右翼前鋒統領 太夫人因二姪  
及姪女婚嫁等事擬回藩予以

上未迴鑾不敢乞休亦不敢請假不得已僅命妻女隨侍東

旋先期 岳丈命坦園同四從弟來迎啓程前三日

值次女招哥出天花因留妾及泰哥在京

起程後泰哥亦出天

花均吉順三月初旬妻奉 太夫人攜女及弟婦二姪姪

女等旋里

時從兄自置小河沿寇宅房移居已久賃  
舊房早經賣出從兄所置房不敷居住賃



小東關街北王宅房皆 岳丈代爲操持一切是時

雖有妻在家侍奉予仍念切庭幃夏間失血病稍愈

予病時服藥未令家中  
知恐爲 太夫人憂也乃七月又遭

先帝在木蘭

升遐予以受

恩最深痛尤甚失血病復發連服藥餌力疾辦公八月

派充崇文門副監督不獨無暇且亦無心及此一切事均由

正監督瑞公印常辦理十月

穆宗毅皇帝迴鑾心稍安因差務太繁不能兼顧懇辭軍機

大臣並面陳親老情形兼請開缺終養迄未邀

准是月

派充

實錄館副總裁

經筵講官管理神機營事務並因春間專設總理各國事務衙門兼充管理該衙門事務軍務夷務紛至沓來軍機處恆夜半散值自此披星戴月習以為常更加勞碌矣十一月蒙

頒賞

先帝御用花袍白玉搬指時辰表

舊例謂之

賞遺念凡

員始有此 賞例

應敬謹供奉潔室 是年恭逢

御極恩詔予擬以應得二品廕生移廕於姪凱肇限於例子有

不准仍歸泰哥請廕焉 予歷次革職留任處

廕姪 同治元年壬戌四十五歲因

覃恩為 三代請一品封典並請將妻室應得封典馳封

孀母正月蒙

恩授都察院左都御史正白旗蒙古都統二月

派管理國子監事務

予由納監中會昔曾在此錄 三月

派閱順天補行覆試舉人卷是月署工部尙書並管理工部

火藥局事務四月

派充總管內務府大臣予自升任左都御史交卸二品任內

所兼差務事稍減今復因差繁懇辭內務府大臣仍  
未邀

允六月充辛酉科拔貢 朝考閱卷大臣得士一百一十八

人是科因各省軍務未竣道路梗塞 朝廷是月署

兵部尙書七月崇文門任滿正額贏餘均照新例一

概交清不獨無虧且有餘贖因於

召對時據實奏明緣此係調劑之差不敢昧心八月補授工部尙書仍兼署兵部尙書九月

文宗顯皇帝奉移

東陵隆福寺予前本充總理喪儀大臣現復任工部內務府承辦差務甚多因

派往執事十月初差旋是月初六日妾生次子 太夫人聞之喜甚寄信命名聯格取聯生貴子之義官名曰熙恒是年接買大東關街北聶宅房於四月移居七月姪凱肇娶正紅旗滿洲依爾根覺羅氏八月姪女適

鑲黃旗滿洲梅和里氏皆弟在時爲之字聘者

此時從兄自置小河沿住房已四五載矣因憶

八年秋 派差來瀋於回京前一夕 叔

父與予談及家中舊產恐兩京睽違日久後人

不知原委意欲就予在省商酌析居予曰我家

自父與叔以來由省赴遼由遼回省同居五六

十載和睦無閒言且自 祖父雖置有薄產早

已典當殆盡析無可析弟兄各就仕途日後宦

游無定亦不析而自析現在四弟及凱姪等均

未成立將來祥與兄如稍裕不妨贖出舊產分給四弟凱姪等是則心之所願此刻似暫不必議及 叔父亦以爲然嗣從兄自置小河沿房叔父以賣南關住房之價遂贖回北關園地一處從兄及四弟復自備價贖回西關市房一所及城北地五日皆祖產也咸豐十一年 太夫人攜弟婦二姪等同潘 叔父以園地及道光壬寅年所典鐘樓南市房分給凱姪母子以西關市房及城北地分給四從弟其餘先年舊物不過

粗重家具且多損壞無可分撥至是予始置大東關十字街北聶家住房奉太夫人與凱姪母子等同居同治七年春哥又另買小河沿中間住房奉伊母同居四弟自置揚教寺南住房奉叔父同居於是居然分三宅不析自析矣此皆迫於時勢並非骨肉生疏後世其勿因分居各爨遂道途相視蓋我家自祖父以來久稱和睦雖百世尤應仰體至分撥舊產均係叔父與予往返函商所定並無偏倚後人不得



因此爭競附錄之以備他年觀覽



文文忠公自訂年譜下

二年癸亥四十六歲四月

派閱

朝考卷是時南省軍務稍有起色乃陝狃忽又搆亂  
大肆蔓延髮捻未平復生此變神機營練兵正急餉  
無所出於是既籌兵又籌餉極費周章冬

派管理藩院事務及管理幼官學事務是年秋長女許字

於正白旗滿洲喜塔喇氏壻名寶春為壬戌科舉人

上年赴京鄉試因甫由四川任所回藩親家係道光

印恒泰號季安是時由四川知縣任內攜眷回旗請終母制未及在藩呈請領咨

及到京已逾京旗看箭之期懇代求本旗補送乃是

科竟獲中 岳丈卽有代外孫女擇婿意寄函商確

予前見其舉止文雅且係世家又有年誼

婿伯恒明山印明係

庚子副榜同年以為得此佳婿足稱快意立為覆允聯姻後

岳丈以予與外孫婿均為科第自喜有擇婿之明較

予倍加欣喜時因避季安親家名為長子改名熙治

次子改名熙聯是冬

國服已滿十二月十六日

頒例賞福壽字先於十三日

御筆小方福壽字

上另賞

御筆小方福壽字

例

賞係南書房代筆小方係

御筆

十八日

慈禧皇太后賞御書龍光燕譽匾額

天恩高厚待近臣尤優令人感激難名

自是每年於例賞福壽字之外皆蒙

另賞

御

筆小方福壽字

三年甲子四十七歲元旦

面賞福字春因京察交部議敘是年乃上元甲子之始元旦

私心竊祝

國事自此昌亨承平有象矣果然軍務大順自春及夏

兩江淪陷各城逐次克復安徽擒逆勢亦漸衰秋七月八百里紅旗告捷克復金陵以十數載之僭號偽逆一旦掃穴犁庭寰海人心無不歡欣鼓舞然竊以先帝從前宵旰焦勞未及觀此又不禁既喜且悲

上念樞垣勞苦欲照成例加

厚恩成例自乾隆至道光年均於升階加銜外予與同值諸並賞世職或賞戴雙眼花翎

人以各省軍務尙未一律肅清再四力辭始

允然予猶蒙

恩加太子太保銜並姪凱肇以員外郎分部學習行走是時同值

者有蒙

賞宮銜花翎並子弟兼蒙

賞舉人

者上亦欲加恩予予辭之不獲不得已據實

陳情請

移獎

予姪焉此亦曠典髮逆已平因於

召對時懇乞開缺終養

不許又力乞則

諭云捨狗各逆尙未平何得云然

子前乞養逆未平為

上以髮諭至此

又以狗捨為

論不敢再請然時以定省為念自咸豐十

一年以後凡遇

加恩除遇清苦缺或職非要地者不敢規避其餘則無不力

辭非好矯飾實因才力迴不如人豈可屢受

渥恩爲人指摘奈往往辭之不獲清夜捫心旣慚報稱之難  
更憶冰淵之懼曾記有爲予批八字者云一生多慮  
處順境恒不稱心居清閒反多勞碌信不誣也秋

派充嚮導處大臣冬

簡放閩兵大臣

是缺體制崇甚閱操時位在各旗都統之上向來尙書兼此者甚少尤惶悚始

終辭之不獲是年三月聯格出天花極順四月從兄  
桂樞公病故兄長予二歲性敏捷學優於予屈而就  
伍已違其材乃甫至協領遽以疾終親友多爲惋惜  
予幼與兄共誦讀極親愛尤深痛悼是月女出嫁予



預囑諸事從儉 岳丈鍾愛外孫女仍為之另備妝

匱器具焉十二月十五日

上賞御筆敷政陳宜匾額

慈禧皇太后另賞龍虎字自此除夕之龍虎字及元旦之福

字皆年年加

賞焉

四年乙丑四十八歲正月季安親家攜婿來京會試

留婿下榻 子場前請病假數日平生不敢作偽此次

冀免迴避偽病請假未免抱愧然自念學 淺而荒深恐衡文有悞且係 場後觀婿文頗深期望 優差避之尚不致滋口實

各  
二年譜下

四

乃榜發未中復與親家商留壻在宅用功以資揣摩風氣是春署戶部尙書四月忽得警報僧王勦捻匪失利在山東德州陣亡遠近大震北數省如失長城之險急調南省各路兵進剿奈黃河迤北毫無屏障神機營一面派兵出境堵剿一面暗爲布置斯時予以所兼差務太繁公事漸多曠悞力辭內務府大臣任幸

上亦見予多病俯加體恤乃獲

俞允

子性於內務府公事尤不相宜自戊

年授任以來恒愧素餐至此稍慰 六月轉補鑲白旗

滿洲都統七月守護

東陵王大臣飛告由口外竄來馬賊逼近

隆福寺勢甚急

是時宮尚在

文宗顯皇帝梓隆福寺暫安

直隸近處無兵

可調

派予帶神機營兵追剿立即起程甫至通州據報賊已遠

颺追至鐵門關不見賊蹤而止

關在永平府北喜峰口東已交熱河界

起程之前一夕接家信始知妻於七月十一日病故

本擬請假因已

派追賊不便奏請又將值

文宗顯皇帝奉安

定陵因奏請留兵防守於各要隘分兵布置並料理工部承辦各事宜月餘始歸覆

命後因妻服請假於寺中設位念經三日以老親在堂不

受弔儀愈念太夫人膝前無人侍奉擬俟

定陵奉安禮成陳情乞養九月

上啓鑾謁

陵

派統神機營兵與在城王大臣留京辦事旋因工部辦理

奉安均無貽悞

賞加二級並次子熙聯侯及歲時以員外郎分部學習行走  
迴鑾後具摺謝

恩俟經手事畢十月杪遂陳情懇請終養

上仍因軍務未能一律肅清責以大義同人並舉京職旗員  
無終養例以對於是益難邀

准不得已請假省親於十月二十八日奉

上諭文祥奏請假回旗迎養一摺文祥著賞假三個月前赴  
盛京迎養伊母來京並賞給人葭六兩卽著文祥齋去以

資頤養欽此予叩首謝

恩至此實覺進退兩難祇好先行料理啓程擬至家後再定  
行止詎意時值奉省馬賊聚集甚衆到處焚掠官兵  
連敗勢已不支本省大吏請兵奉

旨派予同前任江甯將軍福興現任京  
旗都統順便帶兵勦賊並

派蒙古親王伯在邊外本地帶兵堵禦予不敢辭於是揀調

神機營及各處官兵二千五百餘名趕為置辦軍裝  
諸事稍備十一月中旬起程途中因日日列隊前進  
行較緩將及瀋聞省城劫獄信勢甚危連夜趨行百

數十里於十二月十一日入城人心始安布置稍定  
歸謁 太夫人幸尙無恙次日謁

福陵

昭陵畢閱看邊城以備守禦自此雖獲省親之假然日日辦理軍務仍無稍暇歲底擇隙赴南塋祭掃後復赴亡妻厝所奠祭妻素多病患肝疾善怒夫婦時相反目然於翁姑前從無忤色隨侍 太夫人東旋深資奉侍予常慮其不知養身至此果以疾終不獨 高堂奉養再無相助之人且昔在京時下人恒多畏憚予

尤增內顧之憂畧其所短思其所長不禁有糟糠之感妻逝未及十日姪婦亦病亡不順之至幸 太夫

人康健心稍慰是冬姪凱肇復聘宗室氏並籤分

盛京工部入署當差

姪不喜讀書而性好自大且近浮華深慮其入世家統務習雖切切

相戒終恐其於當差處事有不相宜處

五年丙寅四十九歲正月元旦率闔營文武朝賀於

盛京大政殿二月調補吏部尙書自到瀋以來軍務極

順雖賊多兵少幸謀定後戰故無不得手三月抄賊

已剿殺殆盡所餘一股僅千餘名敗逃於東邊外仍



飭官軍盡力追殺旋奉

密諭擒匪復竄山東直隸戒嚴予恐搖動人心不敢宣露仍鎮靜勦賊四月新任將軍到任本欲交卸軍務後並稟請太夫人再作乞養之計乃連奉寄

諭催促啓程太夫人恐終不能獲所請欲赴京就養予旣迫於大義又見慈親精神甚健不敢謊言乃於四月下旬恭請太夫人就道幸途次安適於五月中抵京跪

安時蒙

上垂詢甚詳並以勦賊功欲加

恩力辭始

允八月復

派崇文門正監督

副監督係禮部正堂倭公印什輝布

以上次額徵之數不致

短絀故此次飭辦事司員等於嚴禁胥役勒索之外

仍一切從寬以便商民冬月倭公病故改

派明公充副監督

印善時充內務府大臣

是年春因南塋後山前及塋

前有閑荒二段計四五畝村中人時常取土刨挖甚

深早年曾商擬買地相換村人欲藉此求子向地方

官說項冀免差規其愚妄可笑至是不得已用價贖

出村南族中公產地一段在界具呈換給本村取土

其後山與塋前閑荒再不准創挖取具村中字據存

案附錄甘結具結人武家屯方長馬士孝為出具押

關姓後墻北至宇姓地東至劉姓地西至蔡姓地約

二畝南一塊南至車道北至祖塋東至道西至小廟

約三畝相靠工部學習員外郎凱肇祖塋附近該

員在界具呈身詢得即向堡中商議工部學習員外

郎凱肇有冊地一段九畝互相更換將荒甸換給工

部學習員外郎凱肇培養樹株伊之冊地九畝作為

堡中公同挖土打坯之廠中公納賦其荒甸內堡中

人等不准再行挖土葬墳至北荒甸內原有南北道

一條南荒甸南原有東西道一條仍准堡中行車不

致阻攔闖村人等俱亦甘願並無一人爭競狡展為

致阻攔闖村人等俱亦甘願並無一人爭競狡展為

此出具押結原呈一併存界 又是年秋七月京中患  
備查是實 此結存凱姪手

喉疫次子熙聯次女招格先後殤  
春間因熙聯已出 天花體甚壯為之

聘恒季安親家次女方喜親上加親且以熙聯甚聰  
慧竊冀他年可為書香之繼不圖中道乖折既悔定

親之孟浪更恐 高堂之悲傷心中為之不快者累  
日因將伊等瘞於東便門外月河寺後勒石以誌

熙聯碑誌 正紅旗滿洲瓜爾佳氏熙聯同治王戊十  
月初六日生乙丑九月蒙 恩特授

員外郎丙寅八月初八日殤於時疫是子生甫二週  
即日識十數字過而弗忘遭逢既厚知識復早其天

短也固宜特舐犢者究難忘情因瘞於月河寺東  
岡為之封樹以此緣同治五年八月念四立

奉省馬賊由來已久初不過三五成羣邀劫行

旅而已自咸豐十一年以後則漸次聚眾搶掠

恒盤踞於集鎮通衢日久不去地方官置之不理遂致養癰成患迨同治二三年公然抗官拒敵緝捕者又復貪利失機賊遂毫無忌憚上年秋竟分股竄擾每股或千餘或數百製旗鑄礮各成部伍戕官劫獄破寨攻城直同叛逆本省兵不獨不敢勦卽剿亦必敗官軍望而喪膽畏之如虎狼然予初意賊至多亦不過四五千故帶兵僅二千餘名

京營馬隊三百名洋鎗隊一千名由軍營撤回之黑龍江

吉林兵各五百名候補總兵劉景芳所帶直隸馬勇隊二百名以為足可勦辦

乃行至山海關探聞賊實有三萬餘眾分二十

餘股且均係馬隊無一步賊較廣西髮逆初起

時多而且悍

蓋從前受賊害者僅舉其所見而言並未合攏計算于既誤於傳聞

地方又善於諱飾故不知如此之多也

至此深恐兵不敷用就近

添調直隸步隊五百天津洋鎗隊一千在關趕

緊催調兵車候兩日始起程出關卽列隊行走

聲言帶兵萬餘未至甯遠聞邊外朝陽失守連

夜進發擬出邊剿辦飛催後調之兵迅速前進

禁中後所以爲後路聲援兼護餉道行至錦邑

朝陽賊已東竄恐其進邊滋擾一面勦辦沿途

賊匪

在錦邑南北井子勦賊一股是為初次勝仗

一面傍邊內向東

追勦抵廣邑界驟聞省城劫獄並聞賊擬十二

月十四日攻城幸十一日趕到賊勢稍怯

是時閩省

皆知兵有萬餘又因沿途列隊行走日透迤數

十里軍民望見旌旗信以為實到省恐賊窺見

虛實遂不禁營乃

第二日探聞賊在省東滋擾

分住於各店內

夜間出隊追至撫順東漳黨大獲勝仗

賊先聞官兵至

聲言竄赴興京其計亦狡

賊分竄復追勦於本溪湖等處賊

懼悉數出邊於是吉林告急官兵出邊救應賊

復圍長春廳官兵又赴援次年正月解長春圍  
賊連次敗再追剿於昌圖朝陽坡賊集全股三  
萬眾列隊拏拒官軍雖僅二千餘尙皆精銳槍  
礮猛烈竟獲奇捷蒙古親王伯亦於邊外堵剿  
獲勝賊復折回滋擾官兵又於邊內外獲勝仗  
十餘次賊膽始寒分路奔竄留省城底營隊三  
百全數出剿奈爲數甚少不敷分撥後調之兵  
雖到亦僅共四千餘名除去防紮 興京及沒  
溝營各五百名外

興京近 永陵營口  
係洋人通商處不能不防



餘皆分東西路追剿

是時省城無一兵僅令留底營者百餘人列隊東西

出入以炫示居民

賊股極多又亡命奔竄其敗竄南路

者值紮營口兵由西路來尙未到防賊已至牛

莊而南路跟追之隊爲步軍所累行稍遲地方

官竟不能爲一日守遂至失事至今令人抱恨

幸東路兵趕到擊之賊始敗逃於東邊外其西

路賊亦被官兵勦殺殆盡自此賊勢大衰黨與

星散敗殘之餘成股者數不滿千

卽逃往東邊外者值

新將軍都印興阿到任予始交卸然不敢報肅

清恐難於留兵蓋賊多係直隸山東游民久於

奉省者雖逃散尙難免潛伏臨行時仍酌留勁

兵千數百名交都將軍管帶並留餉十二萬餘

兩由京起程時初不欲奏提京庫銀兩並逆料

畫可易於蔽事於是僅由神機營餘存項下提

餉銀六萬兩於總理衙門積存項下提雜支銀

二萬兩並由本營預放三個月餉銀以為足可

敷用嗣因賊多恐相持日久兵餉不敷不得已

始奏提京庫銀二十萬兩到藩又提省庫銀二

萬兩山海關銀三萬兩共銀三十三萬兩除酌

留奉省十二萬兩及撥給親王伯銀二萬兩接

濟吉林黑龍江銀四萬兩京兵連預支三個月

餉項共用銀又以沿途兵勇雖未如南省到處

十五萬餘兩

騷擾奈賊勢剽急不及紮營未免村店受累且

馬步齊發步隊不能不用車輛縱有官價此次皆由

營中發價每輛日亦難免不悞耕期因此復奏

支東錢十八千別按被賊輕重分並免店鋪日釐捐

三年復因奉省近年勦賊陣亡者大吏不為請

卹兵心渙散直不知忠君親上為何事因又為

之捐立忠義局祀死事諸人以勵風俗以上不

過畧叙大概其詳細情形及歷次戰狀則礙難

縷述惟此行以二千餘兵勇勦三萬餘悍賊葳

事甚速用餉極少

南省近年遇此等事兵勇貪利輕易不肯報竣其餉需至

少亦百萬不止若非

上蒼默佑曷能如此之易

至軍行能以得力者緣步隊皆乘車而行東省  
 車多且健前後接仗二十四次均係馬步齊到  
 從無稍挫卽如吉林黑林子之仗官兵被圍昌  
 圖朝陽坡之仗賊眾十倍於我開原下肥地之  
 仗賊乘險要若非馬步互相策應亦斷難均獲  
 全勝然事可一而不可再惟望後之肩任地方  
 者時加振作勿再因循庶不致復遺地方之禍

否則髮逆之前轍俱在思之能無寒心至予因  
請假旋里奉 旨兼理軍務亦實出於萬  
不得已縱然僥倖成功而以本省人辦本省事  
究多不便也

六年丁卯五十歲春因京察交部議敘二月

文宗實錄告成自正副總裁以次

賞賚有差予蒙

恩議敘仍

賞表裏二十端鞍馬各一予子熙治並蒙

賞及歲時以員外郎分部學習行走三月充署翰林院掌院

學士四月葬潘夫人於新塋前因南塋不敷再葬自

咸豐辛亥年後即擬另覓新塋因循未果至此以潘

夫人樞礙難久懸自四年故後岳丈為築室於上

年延地師覓地茲於大東邊門外得地一處據地師

云形勢甚大指為佳城繪圖寄京圖中註云此地東南一隅頗堪卜穴

據云地勢宏盛屹立高岡乾龍發源艮龍入首迴離宮而聳秀起坎位以嵯峨前有朝拜之山後有暗拱

之水數里之內在望岡阜俱列北面無能齊其肩背者乃富貴兩全之局面也其地為岳

丈早年已身所置之冊地共計一百六十四畝因從

厚備價更名稅契週圍種樹砌墻擇吉於十一日恭

書 先君神牌先立墓位於上一穴

神牌中行書  
皇清誥封

光祿大夫顯考瓜爾佳府君 諱珠 神位 前一  
行書 乾隆丁未正月十七日寅時生享壽六十有

四 未一行書 道光庚戌四月 始於前一穴葬潘  
二十九日未時卒同治丁卯設立

夫人復於塋東北隅蓋仰瓦正房三間雇人看守皆

賴 岳丈代為經理予本不欲遠離 祖考墓自立

塋地茲不得已另立新塋故恭立 先君墓位以取

永遠相依之意前本擬將來令凱姪等相隨於新塋

嗣以日後礙難分晰昭穆堪輿又以南塋偏東地勢

尚可葬一穴遂葬長姪婦於先弟墓次之東惟二姪  
 凱元百年後實難再附只好另行辦理是秋並於南  
 塋本支墓位自 曾祖以次設立碑碣鐫刻封贈名  
 諱碑後鐫山向蓋從前塋中山向墓位皆憑口傳自  
 此庶稍有依據七月 太夫人忽患肝氣痛坐卧皆  
 不可忍予請假二十日晝夜侍湯藥遍延名醫診治  
 無少效嗣遇奉天巡檢王公名官彥號廣堂者精於歧黃所  
 開之方雖係滋陰平肝而閒以紅花少許予不敢用  
 伊再四斟酌改用絳紅屑係碎帽緯取其係紅花所染而力微遜也服之



果效半月餘 太夫人精神如舊予甚欣幸始易懼  
為喜是秋直隸馬賊梟匪相繼而起復派神機營兵  
會同直省合力剿辦八月崇文門任滿仍照章將正  
額贏餘一併交清亦有餘贖九月十七日蒙

### 恩賜壽

賞古佛三尊宣猷篤祐匾一方 福壽字各一方 紫檀嵌  
玉如意一柄 玉瓷陳設九件 蟒袍面一件 大  
卷江綢十六疋 小卷線縐十六疋 大荷包九對  
小荷包十八個前數日

上先語及予以軍務未平且有老親在向不自壽再四懇辭  
不獲向來每遇生辰從不宴客亦不自慶僅於太  
夫人前叩拜擇老親素所喜食者備具酒饌以承  
歡笑耳茲以榮重

恩命不敢草率乃置酒演劇迎接

天使款待親朋惟不受賀儀次日復另備家宴演劇爲太  
夫人壽然太夫人深以予不知惜費蓋老親向  
以儉樸爲本此等事殊不欲也十月竄擾山東之捻  
逆賴文光等全股殲滅而直隸之馬賊梟匪亦於前

半月均埽除淨盡其未致與賴逆合股者幸有黃河  
天險耳否則更形棘手矣

附錄 賜壽禮節

賜壽前一日內務府員役先來宅踏看安挂 福壽字  
匾額處所並演禮節預備黃亭一座綵亭三座  
蘇拉抬搭人役先日 奏事處請由內務府三  
卿內 派一員爲天使另由該衙門擬派員  
外郎一員內管領一員爲副使 賜壽日將  
黃亭綵亭預設於 隆宗門外俟由 內賞

賚物件交出分安於亭內 派出天使及司

員等隨同照料本家另備鼓樂龍旗 御仗

均穿駕衣預迎於 紫禁城外屆時本家於大

門外跪迎 賞賚物件安於 壽堂案上

造辦處員役將 福壽字匾額安挂堂上本家

跪 天使將如意遞過本家跪接安於案上

行三跪九叩禮畢預設二席讓 天使一席

副使一席入座畢卽備送 天使禮八色副

使禮四色 天使起座行本家跪送於大門

于文襄公(敬中)手札于文襄公(敬中)手札卷二 266

外次日具摺謝 恩服蟒袍補褂於

名對時仍行三跪九叩禮 天使亦於是早

具摺覆 命並陳明所受禮物

七年戊辰五十一歲正月十三日忽得警報捻逆張

總愚由山西直竄直隸廣平境 先是張逆於四年間

西專 派陝督左宗棠督剿並 派山西臬司

陳湜專防黃河東岸左帥以山西有防河兵欲逼賊

於河西一鼓成功陳臬司持黃河天險設備不嚴六

年冬竄擾山東之賴逆被剿急勾結張逆值山西黃

河忽結冰甚堅張逆遂於十一月初涉冰過河臬司

陳湜及山西巡撫趙長齡均被 嚴譴 朝廷

飛 調在山東助剿之河南安徽兩省兵勇

令由東直交界渡黃沿直隸邊境向西迎剿而兩省

各 卷二年譜下 三

兵勇均未遵原調之路前進於是同陝西追兵均落賊後是時直隸馬賊甫平京兵及本省勇皆已撤回直隸所留勇隊僅止五六千地廣兵單不敷堵剿賊於十一日已竄至保定京師頗喫緊賴有神機營人心尙不十分驚惶然賊距京甚近不能不預爲防範一面派兵赴保定迎剿一面暗中布置城守事宜城門仍照常啓閉諸事以鎮靜處之街市商賈安堵如常若不知有賊警也者予於軍機散值後晝夜在營籌辦軍務恐太夫人驚恐託言在內值宿仍擇隙至家省視嗣家人竊議爲

太夫人聞乃諭予云不必瞞我自咸豐十年以來久已見慣無可恐怖汝但盡心辦事仗

國家洪福諒無不可了之賊今歲燈節須多買花爆我要帶泰哥等過熱鬧元宵也未幾陝西及安徽河南兵勇均已趕到安徽巡撫英翰河南巡撫李鶴年亦皆帶兵星夜赴直又幸前擾山東之賴逆已全股就殄督辦東豫軍務之兩江總督李鴻章及山東巡撫丁寶楨均督兵北來丁巡撫尤迅急繞出賊前直抵京南固安迎頭防堵大軍已近十餘萬矣議者多謂

宜逼賊出境然後合剿庶不致挺險北犯予曰不然近年軍務皆誤於各省自分畛域但以驅賊出境爲了事從前屢有合力會剿之

旨從不認真遵辦卽或有一二越境相助又格於主客之勢迄無成功今賊勢雖眾然賴逆就殄賊膽已寒各省督撫無不情切捍衛且京師耳目甚近帶兵者不敢欺飾必竭力辦賊若能就直隸合力剿捕易於蒞事倘再縱賊出境則又蔓延難圖此萬不可失之機會也於是乃定議就地剿賊言者又恐督撫大臣各不



相下請

派神機營節制諸軍以一事權然外間帶兵者亦皆持逼賊出境之議至二月底賊竟竄回山西各省兵追賊前進時值會闈期近予以神機營尙未撤防未必即

派衡文之差乃初六日竟

派充會試副總裁

正總裁朱桐軒中堂印鳳標副總裁則子與董韞卿大司馬印恂繼述堂副憲印格

壻是科爲予迴避未免失望予學力本淺且又荒疏多年場中衡文甚覺喫力雖不敢不盡心校閱然終恐屈抑佳文場後門人來謁不敢概令拜見 太夫

人謹擇鼎甲傳臚及三甲第一名並朝元定期帶見  
太夫人甚喜各贈荷囊一匣旋賊誘各省兵出境復  
竄回直隸予仍力伸前議請

旨嚴催各省兵勇合力剿賊不得再令遠颺各督撫大臣又  
跟追回直賊撲天津被津兵攔回隨紛擾於運河東  
岸官軍乃就運河西岸築八百餘里長堤以圍之數  
日堤成引黃水入運運水大漲遂分兵於堤內晝夜  
追剿賊不得喘息又不得掠食遂於七月間將張逆  
全股蕩平十數年捻逆之根至此始淨絕根株賊平

未三日黃河決於豫省南岸運河水立涸此蓋

國家洪福使然予嘗謂五年奉省馬賊甫平而賴逆竄  
山東六年直隸梟匪馬賊甫平而張逆未至直境賴  
逆已就擒至是張逆甫平而河決運水涸先後緩急  
之間若皆有天助焉

八年己巳五十二歲春 太夫人精神甚健飲食加  
增每日非鬪牌卽聽書毫無倦色私心竊喜秋七月  
忽犯肝疾延醫調治無少效旋仍以王廣堂丸藥方  
改用湯劑服之立愈予請假二十餘日俟 慈體復

元始銷假入值秋八月因二姪凱元已於七月完婚

先期稟商 太夫人諭令來京以為承歡之助 太

夫人亦喜允姪未至于於九月十八日偶感風寒夜

間痰喘大作汗出不止誤服補劑 急無可延之醫請

林公診視伊向識子有勞傷證以為虛甚遂以補劑

投之家人無知醫者予又昏亂誤投而誤服之幾致

起不閉邪氣於內喘愈甚晝夜不得卧請假月餘連延

名醫救治苦難奏效因奏請開缺調治十月十九日

上諭軍機大臣吏部尚書文祥病逾匝月尙未就痊實深塵

系著派御醫王繼武前往診視並賞給人棧八兩以資調理欽此不禁伏枕感泣病之次日自料非一二日所能痊

恐 太夫人憂慮囑家人誑言赴

南苑閱兵暫住不克回城云云

近年神機營常在南苑練兵子曾時往時來

至是託言久住隔數日即命下人易行裝持野味至太夫人前請安誑言由南苑來故深信不疑

仍恐 太夫人日久想念愈求速效而愈不能幸冬

月初旬元姪到京深喜可以承 太夫人歡病少瘥

然跌坐四十餘日證雖減體則憊甚急於見 太夫

人勉强下牀演習步履奈形容憔悴兩足蹇澁不敢

遽令 太夫人見不意冬月十八日因詢 起居見  
家人應對參差再三詰問始知 太夫人於前一日  
精神覺倦手足微腫力言並無病形云云予心驚惶  
急雜病髮先囑家人稟知予將由 南苑歸遂具衣  
冠舁至 太夫人門外扶壁而入 太夫人甫就枕  
卧燈下扶牀請安幸 太夫人眼力模糊未看出病  
形就問病勢曰是誰告汝知耶予無病不過身體覺  
倦勿庸惦念爾甫歸明日再談予見 太夫人精神  
雖不甚委頓而左手足微腫殊不放心是夜卽暗移

於太夫人臥室東間住宿次早醫來診視云脈象甚好初無大異僅服健脾平肝之劑太夫人仍照常起坐飲食亦如舊謂予在外日久面目較瘦自己則總云無病力勸始服藥然從此日形倦怠日夜侍湯藥至冬月底腫盡退精神亦漸好乃忽於臘月初一日又形反復至初二日則昏睡時居多連延數醫守治並多方祈禱迄無少效延至初五日寅刻竟棄予而長逝矣嗚呼痛哉自同治五年夏迎養來京夙夜從公常恨不能盡奉養之歡方冀於退食之餘時

承色笑藉得愛日常依詎意時僅四載卽遭見棄終  
天抱恨曷其有極雖素備之衣衾棺槨尙不致草率  
然向遵 太夫人諭亦究未能盡慊私心次日呈報  
丁艱奉

上諭尙書文祥之母秉性淑慎克享遐齡教子有方俾成良  
弼今以疾終深堪軫惻朝廷優禮大臣推恩賢母著賜祭  
一壇賞銀二千兩經理喪事由廣儲司給發靈柩回旗時  
沿途地方官妥爲照料以示優眷欽此不覺痛哭失聲旣  
感



天恩之高厚捐報靡涯更念親恩之鞠勞悲思罔極於十六日

上遣禮部左侍郎察杭阿率執事司員臨几筵

賜祭二十七日發引停柩於宣武門外廣惠寺卽苦宿於寺以 太夫人好佛喪中延僧作佛事十數次餘皆懺遵舊訓諸事均崇實黜華自遭大故後病體困頓深恐日久不支急欲扶柩旋里用妥 先靈幸除夕四從弟趕到卽囑令料理靈輦各事定於開年後起程焉

附錄禮部致送

賜祭禮節

祭日本家備鼓樂及黃亭一座用駕衣人役舁  
請並邀前引四位蟒袍補褂至禮部祠祭司會  
同禮部司官筆政請 祭文於黃亭前引者  
騎馬前導 使者相隨本家預設 使者奠位  
於靈前設讀祝位於靈几之左設祭品位於靈  
几之右設燎牀於南設喪主諸子跪位於靈右  
主婦位於帷內執事者預陳 祭物齋  
諭祭文從使者素服至喪主卽率諸子免經去

杖止哭同跪迎於門外道右先入就位跪俯伏  
贊者引 使者升中堂就位立上香司祝就讀  
祝位立讀祭文訖復於案執事者實酒於爵以  
授 使者 使者三奠畢少退司祝奉 祭  
文至燎所焚燎喪主率諸子降西階下行三跪  
九叩禮向 闕謝 恩禮畢預設三  
席 正使一席讀祝及執事司員二席入座畢  
卽備送 正使禮六色讀祝禮四色執事司員  
各二色並分犒從役有差 使者起座行喪主

至大門外俟 使者出跪送迺還苦次

附錄 賜祭祭文

朕惟猷宣翊贊殊勲懋著夫良臣禮備哀榮異數尤隆於  
賢母爰示優崇之典特頒奠醑之文爾吏部尙書文祥之  
母馬佳氏秉性柔嘉持躬淑慎宜家表範度協珩璜訓子  
有方材成梁棟鴻施屢逮允資輔弼之勤象服榮膺克享  
期頤之福方冀長綬祿養何期遽感淪殂哀卹攸加賜賻  
之儀特厚彝章畢舉飾終之禮彌崇錫以龍綸陳之雕俎  
於戲謀詒穀式書彤史以芬流氣達椒馨賁黃壚而彩綯

靈其不昧尙克歆承

九年庚午五十三歲二月初二日奉 先慈靈柩旋  
里年前雖奉有

飭令沿途地方官照料之旨惟念

賞銀治喪

天恩稠疊已爲存歿難安若再令地方照料更恐胥役藉端  
科派旣無以慰 在天之靈更足以增不孝之罪是  
以昇請 靈輦夫役及尖宿店宇各費均係自備沿  
途地方祭筵礙難堅卻餘則一概婉謝所經河道雖

節屆驚蟄俱獲平穩渡大凌河時尤幸化險為平是

皆仰托 慈佑得蒙

上蒼之默貺者焉

大凌河無橋是日冰上水已數寸守河者力保踏冰無虞遂用水夫代舁靈舉而

過嗣聞後來者云靈輦渡後未及時許中流冰忽

泮阻行人者數日云云予心感神佑回京時特詣

河西龍神廟二十日恭請靈輦進省城省城係

拈香叩謝

非奉旨不得穿城行走俗傳小西門及大東門

不准靈輦行走遵旨入城者不拘予仍遵俗諭繞

小北門小東門出入焉未刻抵家安奉靈輦於正楹迴憶寅

歲迎養會幾何時入寢室而几杖猶存望庭幃而音

容莫睹撫今追昔哀痛彌深前以凱姪等於聞訃時

已設位受弔至是卽不再致訃聞僅遇誦經日通知親友仍敬承先志凡東省辦理喪事一切眩耀奢侈之俗概不敢舉行三月初七日發引因老塋山向不宜暫請慈柩於新塋正室用艮坤向安厝十三日除服年前病假未滿卽遭大故現又百日服滿病仍未愈苦中起立均須扶杖而行於是呈懇本省大吏代奏再請假兩月奉

上諭都興阿等代奏丁憂尙書文祥因病請假一摺文祥著賞假兩個月並賞給人葭五兩安心調理欽此望

關叩頭泣涕不知所極從此廬墓養疴每日除叩奠几筵外  
屏除酬應服中因念子姪俱幼家中譜系及兩塋界  
址均無記載隨舉予之所知及詢諸族中長年所記  
憶者作譜繪圖以爲後人依據嗣以兩月假滿體氣  
仍未復元復請假一月旋因天津民教滋事京署連  
番密咨危急情形予以受

恩極厚而 先慈大事又復特邀

曠典值此時勢多艱不敢置身事外力疾就道拜辭

先靈悲感交迫九月初七日攜妾及子抵京覓寓稍



息十一日跪

安具摺謝歷次

恩旨並聲明病勢未痊懇開除一切差使僅留總理各國事務衙門之任以專責成而免貽誤乃蒙

恩僅開去理藩院國子監對引大臣嚮導大臣閱兵大臣餘仍不淮辭不得已勉強就職復請假二十日然精力憊甚愈遜於前自巳歲秋至是終日不離藥餌而冬月十五日又請假二十日益慚素食矣十二月二姪續娶喜他拉氏

十年辛未五十四歲三月泰兒入學延張啓明授讀

啓明印燦灤州人前授凱姪等讀嗣泰兒曾於己巳

以教習知縣分發河南丁艱間居年開蒙延同鄉工部主事李衍堂授讀印緒昌癸亥朝考閱卷門

生年已十齡體仍軟弱幼患五軟五遲疾六衍堂以

其多病不敢督催僅令其識字讀三字經而已九年

回奉省後稍壯至是入學亦不過收束身心耳冬底始讀

畢上三月二十八日奉

旨以吏部尙書協辦大學士官相印去秋回京請開除各項

差使今又蒙

恩實與前舉相左據情力辭竟不獲

允遲之月餘始勉強到任六月又遇大學士缺

倭相仁遺缺

幸預

為力辭獲

允以前任大學士現任兩廣總督瑞麟超拜

此缺照例轉是陞故可預辭

月大姪婦又因產身故連年多事皆出意外冬月復

續娶亦宗室氏係前姪婦之族姊自去秋來京後舊

疾仍未全愈痰喘時作恒不成寐且增眩暈之證精

神愈不如前時常請假幾同曠職

十一年壬申五十五歲自去歲冬底請假十五日至

新正初十日仍未愈復續假十日十八日始銷假入  
值屢擬乞退祇以本年恭值

大婚典禮不敢卽作此舉四月初十日蒙

派稽查欽奉

上諭事件

大學士例兼之銜滿漢各一員六月十一日

授大學士管理工部事務

瑞相印常遺缺

是缺例應協辦陞轉且內

外無可超拜之人不能再辭屢欲乞退之身迭邀陞

擢愈愧俯仰六月十四日又

派充武英殿總裁

亦例應兼攝之銜無事可辦

七月初七日

授體仁閣

照例升任大學士後題請簡授殿閣名

八月二十六日平定髮捻

各逆方畧告成蒙

賞加二級九月十四日

派充册封

慧妃正使九月十九日以

大婚禮成蒙

賞紫禁城乘坐二人椅轎年未六十邀此

曠恩實非分之榮

滿員賞朝馬者必六十五歲後方准改乘椅轎漢員不論以不慣乘馬也

十二月二十四日

派充文淵領閣事

亦大學士例兼之銜

是年因有

大婚典禮並明年正月二十六日

親政之旨恐身體不支於秋初卽預服東參氣雖稍充然素

不受補究不能無流弊急則治標不得已而用此藥也

十二年癸酉五十六歲三月隨扈前往

東陵是年自春徂夏辦理日俄英法四國公使請

覲事與之力爭始定議於六月初旬

紫光閣

親見初七日請假三個月回旗葬母奉

旨允准八月奉 先慈靈柩與 先君合葬於南塋

葬事畢回京十一月初八日到京請

安蒙

恩賞假五日十四日假滿入直二十一日因喘疾復作請假

十日

十三年甲戌五十七歲自上年十一月陸續請假延

至是年正月十二日以病難速痊奏請開缺奉

旨賞假兩個月毋庸開缺二月十五日醇邸奏請培東土

以固根本奉有寄信

諭旨令妥籌具奏十七日覆陳籌辦東省馬賊情形附片密  
陳都興阿現在衰病請留意人材三月十一日再請  
開缺奉

旨再賞假兩個月安心調理毋庸開缺五月十二日六月十  
二日連請開缺疊蒙

賞假適值日本有事臺灣奉有寄信

諭旨令赴總理各國事務衙門籌辦日本與臺灣交涉事件  
六月十四日具摺敬陳管見並附片請停



圓明園工程摺

發下片

留中二十八日力疾請

安恐奏對時氣喘不能詳陳因具摺遞陳辦理洋務情形奉  
溫諭令日赴總署商辦臺務暫緩入直自是勉赴總署辦事  
疾益增劇八月二十日假滿仍請開缺奉

旨再賞假三個月十月初一日蒙

賞神糕十四日又蒙

賞壽字褂料是月初十日爲

三才圖會卷之五十一  
三十一  
慈禧端佑康頤皇太后四旬萬壽故有是

賞十月辦理臺灣事竣二十八日具摺敬陳管見十一月初

一日

穆宗毅皇帝天花之喜初二日力疾進內請

安入

見十五日蒙

恩賞戴雙眼花翎二十二日假滿仍請開缺奉

旨再賞假三個月二十三日專摺奏請

聖躬宜倍加保護

留中十二月初二日

授武英殿大學士初五日酉刻驚聞

穆宗毅皇帝龍馭上賓痰壅氣閉逾時方甦遂踉蹌進內

比入直房諸王大臣已入

見矣出奉

皇太后懿旨立

今上爲

文宗顯皇帝嗣入繼大統刻卽繕

旨遞上

發下傳鈔以定人心旋復隨恭親王等入

見奉

懿旨嗣皇帝生有皇子卽爲大行皇帝嗣一夕數

召見至六日午後始退直精神益覺困憊病更增劇是日聯

銜具奏辭十一月十五日

恩賞

光緒元年乙亥五十八歲二月二十日

孝哲毅皇后升遐三月初三日假滿病體益弱仍請開缺奉

旨著開去鑲白旗滿洲都統毋庸管理工部及神機營事

務以示體恤仍留大學士之任在軍機大臣總理各國  
事務衙門行走俟病體稍痊卽行入直六月假滿仍未  
痊不敢再請開缺遂力疾銷假終不能照常入直九  
月初八日奉

旨朕躬送

穆宗毅皇帝

孝哲毅皇后梓宮本月十八日啓鑾後派文祥留京辦事母  
庸值宿午刻先行散值

聖恩體恤周至感激涕零十月後痰喘益甚實難入直十

二月十二日請開去軍機處差使奉

旨賞假兩個月安心調理毋庸開去軍機處差使

光緒二年丙子五十九歲因數請開缺不獲邀

允又恐假滿難以入直遂急欲求效多方服藥更繼以鍼  
喘雖少止氣體愈衰

謹按是年五月初四日先君晨起盥洗畢靜坐  
照常用導氣工夫詎意氣弱已極導之下行難以  
上轉痰壅氣喘不能稍止自知不起遂口授遺摺  
命治代繕彌留之際猶喃喃作國事未了

君恩未報語至未刻端坐而逝嗚呼痛哉嗚呼痛哉

男熙治稽首泣續記

門下士陳寶琛填諱

門下士洪良品恭校  
姚協贊

--	--	--



文忠夫子事業勳名彪炳史冊以其身繫天下之大局者  
十餘年贊自受知後每當謁見時必勉以讀書立品  
宜以遠大爲期嗚呼

師訓猶存而哲人其萎其感愴爲何如耶茲獲讀我

夫子手訂年譜見其事親之孝謀國之忠出以自然毫  
無緣飾乃知言忠信行篤敬其推而皆準者固由於  
本原之地操之者約而施之者博也特謹遵

遺言校讐譌字至文義悉如其舊不敢妄贊一辭所以  
傳之天下後世不致失其真也而夙昔之宅心誠懇

宏濟時艱愈昭然可見矣因敬綴數語於後以志崖

略云

門下士姚協贊謹跋

奉送

文忠相國夫子入賢良祠作

陽九阨漢運黃屋癘堯容寶龜告大艱股憂啓

聖躬巍巍中興業蹇蹇柱石忠補天贊幄畫浴日救宗功  
讜論息浮役片言折驕戎康哉股肱良萬象咸昭融巨鼇裂  
八極鼎湖墮軒弓生作山裳翁死抱龍髯從崇垣宏厥地  
翠木森朱宮七鬯奠幽魄俎豆酬勳庸陟降

帝左右侍從驂螭龍靈來作霖雨靈去爲飄風人生若舟壑  
不朽在鼎鐘無爲慟西州華屋徒悲恫

門下士洪良品敬題

文文忠公事略

蜀輶紀程

咸豐四年七月十一日奉

上諭著派載齡崇實馳驛前往陝西查辦事件所有隨帶

司員著一併馳驛欽此此次隨帶司員係戶部主事延

愷盧定勳刑部主事邊寶誠惲鴻儀工部員外郎那謙

同子六人

七月廿一日卯刻起程出正陽門至賈薰谷三兄處早餐

署中至好畢聚暢飲作小別已刻出彰儀門至蘆溝橋

少憩西正宿良鄉會出差同人謁堂憲言語甚歡是日  
天氣晴爽微風西來駝車搖曳而行放眼平疇遠村近  
樹如在畫中更餘雷雨偶作旋卽雲散星明清夜如昨  
共行七十里

廿二日卯刻行至寶店早尖途中天氣雖晴仍覺蒸熱西  
初至涿郡宿南關亥初便息之困已極醒時東方已白  
驛馬咸至車鄰鄰又載道矣 共行七十里

廿三日辰行過涿南數里有桓侯廟係侯故里有井亦以  
侯名三十里至高碑店早尖飯後乘馬過小村店市茶

復乘駝車將抵傳舍驟遇風雨里許度橋至北河住宿  
街中見椒山先生讀書祠因雨未能瞻拜入公館窗明  
几淨頗覺適然緣前二站尖宿苦甚也 共行七十里

廿四日由北河至固城三十里是日擬宿安肅縣因太近  
未肯早尖少歇便行二十里抵安肅公舍狹甚幸差役  
尙聽呼喚是日天氣甚爽微熱訂明日早行稍談便睡  
共行五十里

廿五日自安肅至保定五十里路途泥濘迂道而行未能  
早尖卽至省城地方列隊相迎兵丁募勇不下二千餘

人城頭羅列守兵旂幟以連鎮未靖也公館在西關外  
預備甚周自總督以次至館相拜俱遵例謝阻惟首府  
克公明係六吉同年得會談少許其餘則遣人持刺答  
拜焉是日少暇寄家信一函計行五十里

廿六日在保定坐尖四十五里至涇陽驛途中換馬又十

五里抵滿城方順橋因雨阻遂宿焉知縣黃公名開泰

係乙巳同年來館接見議論風生緣酒食未至故作遷  
延計遠客枵腹應答亦苦事也秉燭後過戶部諸公處  
稍談回寓卽歇共行六十里



廿七日自方順橋西行三十里至望都縣早尖縣令劉公  
名體中亦乙巳同年來見畢述地方清苦且云東村現  
患蝗災因戲之曰我等出都飲食若流亦蝗類也劉公  
粲然飯後行三十里至清風店物阜民豐人烟湊集鎮  
內多賣綿線帶及布巾等物又行三十里至定州住西  
關外州主崇公印禧旗人也晚間安歇甚早惜天熱未  
能通夜入黑甜鄉共行九十里

廿八日自定州行至明月店茶尖俗云清風明月夾定州  
卽此地也旋抵新樂縣早尖縣北有義皇故里碑縣令

宋朗齋同鄉而又同年頗有他鄉故知之喜尖後又行  
四十五里至伏城驛住宿是日天氣熱而不燥晚間大  
睡雖車馬喧嘩而夢穩如故 共行九十五里

廿九日自伏城驛至正定府北門內梵音寺早尖和尚獻

果饌布施銀五錢太守史公 策先 同郭縣令來見飯後

應出南門因聞東門內有大佛寺往瞻佛像係銅鑄高  
七丈五尺施五采樓三層立尙摩頂讀廟碑知建祀自  
隋洵大觀也禮拜後始出南門又行二十里渡滹沱河  
寬甚又過小河二流亦滹沱本支問詢前途尙距宿頭

六十里催趲而行申正進山口遙見獲鹿縣城山勢縈  
環萬峰送翠炊烟中鱗瓦參差人家稠密心懷一暢抵  
寓後約同人會議定明日入山程途及山行應用夫役  
睡後臭蟲大擾終夜未能安席或曰亦沿途傳食之小  
報云 其行一百零五里

三十日去獲鹿卽入山約二三里陟危嶺及嶺有小村賽  
神演劇下嶺斗立險甚又遇驟雨趨樹下避之雨稀行  
數里登東天門山路敝仄曲折而行至嶺脊有甕門古  
之守戍地進甕門有廟書曰趙守將白面將軍之祠並

書墓在祠後又石壁刻趙之干城四字初登山險兼以  
大雨未遑遊覽下岡時人馬滑不留足時作跪拜狀可  
畏之至午正始抵微水鎮早尖計四十五里民夫逃去  
過半尖後山路仍無平坦遇一津曰溫水河於灘內梭  
渡三次酉初至井陘東山下乃韓信建大將旗鼓處也有西漢丞相  
田叔田仁先生故里碑又過一河亦名井陘至河西入  
公舍雷雨復作就枕後山水奔濤聞之甚悉是夜供事  
僅止一人餘俱阻於山頭共行七十里

又七月初一日仍須東渡井陘河始可就道山水夜漲湍

流甚急水稍落視縣令爲前車策馬而渡三十里至核  
桃驛乃井陘屬僅打茶尖又行至槐樹堡已入山西界  
係平定州屬早尖店中僅有饜饜素麪同人圍坐大餐  
頗覺餘酸滿口此卽山西窮八站也尖後行又登山過  
西天門幸不甚險循壁而上扼要處有新舊二關山西  
防兵二千餘在此駐紮是卽固關未正至柏井驛公舍  
係石券三間仿入古窰惜無蒙正夜談耳西來山民緣  
土性堅實半多~~鑿~~壁穴居大有上古之風故客舍亦類  
此 共行八十里

初二日別窰西行二十五里至西郊早尖復行二十里過

西天門亦不甚險又五里至平定州住西關關帝廟州

主董公

彙芳

來談少許飯後戶部延盧二公過訪相將

登廟後春秋樓計五層遠望數十里皆在目中亦暢事

也

共行五十里

初三日董公備大轎六乘自平定州送過南天門石路碎

雜難行下南天門三里許卽入河灘兩山夾峙二十七

里山壁有碑大書小心山水緣漲發不時行人無處趨

避也又行二十里名辛興灘沙石如前過客至此或行

或止俱以土人言爲憑不敢冒然午刻至測石驛亦是  
洞居院落甚小人畜雜處懊惱之至戌刻延寄到赴大  
公館恭閱始知確往四川焉是日天陰幸未落雨 共行  
五十里

初四日自測石驛起程二三里盤旋上山車馬絡繹回顧  
尾至者儼然在馬足下焉五十里至壽陽縣早尖城甚  
堅固鄉勇亦壯實又十里乘馬至黃門村遇雨復乘駝  
轎行雨漸大前途上下土城四十里泥濘之至覓夫幫  
轎西正始抵太安驛宿馬王廟院小屋隘僅足容膝然

較之顛簸於泥路之中差強

共行一百里

初五日由壽陽太安驛起身卽下土坡宿雨初晴泥水夾道轎馬啣尾而下手不離衡目不離道者二十餘里較徒步尤費心力午正至什貼村早尖僅行三十五里焉已入榆次縣界食西瓜甚美俗稱貢瓜申正又行三十五里至王胡鎮距省六十里府主祥公名奎來接見晚飯後寫家信更餘見供事等至泥首塗足十分狼狽南人不慣乘馬之狀可笑

共行七十里

初六日天氣晴爽自王胡乘馬行二十里少歇又二十里



至永康村早尖店寓甚寬濶畫壁雕墻非常豔麗又三十里抵徐溝縣城甚完固街市亦熱鬧公舍在小巷內雖是官學式如民房懸燈結彩鼓吹大作加以觀者如堵牧令賈公印聯秀關西人來拜甚誠篤飯後沐髮垂帳而寢共行七十里

初七日由徐溝策馬行十里入村肆西賈獻茶話談刻許復行過堯村莊門刻時雍二字街內有坊額曰古帝堯坊五十里至祁縣早尖城外有晉溫嶠及舅犯故里二碑又五十至平遙縣城進東門人民繁庶商賈殷實入

公館後堂憲處有擱輿鳴冤者命批交汾州太守途中  
收呈自此始是日天氣重陰未雨

共行一百一十里

初八日自平遙至張蘭鎮三十五里路次見郭林宗祠前  
有古槐榮枯間半下有小碑刻漢槐二字鎮內街西有  
文潞公祠至館本鎮同知長公來見亦旗人飯後行四  
十五里至介休縣此處富室甚多詢及子推墓云在城  
北祠亦附焉遙指綿山蒼茫不可見晚餐後忽見新月  
令人有故土思

共行八十里

初九日由介休策馬過義棠古鎮又至兩渡早尖均未識

命名之義尖後隨山脚散行盤旋西去山下卽汾水奔  
濤有聲循岸靈石縣縣令俞公印雲錦來拜揚州人問  
及靈石二字據云唐時引汾水南下時河底獲一石高  
三尺許叩之有音鄉人奇之因以名縣焉現仍供諸城  
北是日天燥熱尙可著葛衣不似新秋光景共行八十  
里

初十日由靈石起程卽登韓侯嶺自麓及頂二十里嶺顛  
有村落極高處爲韓侯廟廟後有墓高丈餘如阜碑額  
題句甚多記其楹聯最佳者云力拔山氣蓋世見公束

三五五之三  
手歌大風思猛士爲子傷懷出廟下坡兩壁高矗斗立  
長二十里此處若再遇雨則瞠目無策焉下坡卽至仁  
義驛早尖亦靈石界未正至師村茶尖少歇

十一日自霍州行五十里至趙城早尖路側有趙簡子食  
邑藺相如故里二碑州南二十五里過國士橋豫讓行  
刺所也又十里住洪洞縣去歲經粵寇焚掠街市桷崩  
瓦解西行以來初見被兵處所慘不忍睹遙憶前途平  
陽一帶必有甚於此者終夜爲之惻然

共行八十五里

十二日自洪洞西行六十里至平陽臨汾縣早尖公館被

逆匪焚燒在考院喫飯詢悉居民被裹脅者現已逃歸  
安業街市惟北門內外摧殘餘尙如舊飯後又行三十  
里途次見叔向食邑師曠故里蒼頡造字處等碑又丹  
朱墓並瑞羊生獬坊再三十里至史村住宿乃太平縣  
屬公舍極小是日天晴甚熱長途百餘里疲敝之至  
共  
行一百二十里

十三日由史村四十里至高縣村早餐又過豫讓橋或云  
吞炭處也尖後四十里住曲沃縣之侯馬驛路側見虞  
名臣伯益故里碑是日天極熱晚飯未能多喫僅食西

瓜一元 共行八十里

十四日由曲沃四十里至東鎮早尖亦曲沃屬路次見宋  
趙鼎唐裴度故里牌坊二座晉公祠堂較近因拜謁焉  
又三十里至聞喜住宿是日微雨 共行七十里

十五日由聞喜起身五十里至水豆村早尖夏縣屬飯後  
策馬行十里遇小村少歇地名雙槐樹又行三十里至  
北鄉驛住宿距安邑縣十五里天氣炎熱不減三伏 共  
行九十里

十六日自北鄉驛行三十里至牛杜鎮卽牛僧孺杜如晦

故里也屬猗氏縣早尖後過古帝舜陵路側有坊詢之  
鄉人陵尙在路南四五里因遠未能拜謁又行四里至  
樊橋驛住宿 共行七十里

十七日自樊橋驛四十里至高市早尖無公館借張氏宗  
祠屬永濟縣路次有唐司空圖故里坊又三十里住永  
濟縣河東驛又名寺坡底公館卽河東書院高踞山頂  
晚間落雨遙望山頭出雲瞻眺令人豁目 共行七十里

十八日自河東驛行五十里至匭河早尖地名甚奇未能  
詳考又行十五里已抵黃河水面甚寬乘船而渡人馬

平安上坡卽潼關乃陝西界關隨山險下臨黃水眞扼  
要處也至公舍廳員孫公印治號琴泉來見人甚明幹  
有爲乃陝西之辦團練最著名者是日天氣甚爽初到  
咸陽邊界風景一新鄉民語音半秦半晉多不可解矣  
共行七十里

十九日子刻大雨至未刻不止已刻書寫奏摺一件片一  
件於未正拜發酉初孫琴泉又至痛談並預備大轎卽  
於此將騾轎付價遣去自入山西界以西水苦甚至潼  
關始得甜水其美如飴



二十日卯刻由潼關冒雨起身道途泥濘四十里至華陰縣西獄廟尖後卽住宿遊西獄廟廟甚大有周秦漢唐古柏及諸石刻廟後有樓高極正對華山三峰惜是日陰雨多雲霧未能一見真面目又過楊太尉震故里在潼關西三里許 共行四十里

廿一日自華獄行二里過華陰縣城有王猛碑三十五里至浮水莊河水漲發涉渡甚艱因大橋工程未完故也早尖在西鈕子村僅食煮百合一椀復行三十五里路次見汾陽王故里牌坊陳希夷先生墓碑遂宿華州西

城外是日大雨不止轎夫拖泥帶水不堪入目晚間賞  
賜有差 共行七十里

廿二日天微雨遍地泥水由華州二十五里至赤水鎮茶  
尖路過寇萊公故里又二十五里至渭南縣宿城內象  
峰書院縣令曹公印熙同首府武公來拜是日同人共  
一公館頗不寂寞 共行五十里

廿三日由渭南行四十里至零口鎮早尖又行四十里至  
臨潼縣公館在驪山下有溫泉引注於各屋屋內築池  
所居屋內之池云係明皇楊妃同浴處晚間因天不甚

熱未敢洗澡僅濯足焉仰望山頭有柏樹千餘株一碧  
無際詢據山上卽朝元閣惜未能登覽是夜復大雨  
行八十里

廿四日自臨潼冒雨西行泥塗三十里至灞橋水色蒼茫  
山光秀靄路側綠柳成陰約百餘株掩映疊翠行人往  
來其間晝不如也縣主設酒於長亭開窗遠望心意頗  
造然未免有離情焉至大公舍見張詩船先生一聯云  
綠波春水情難盡朝雨輕塵酒莫辭詞頗雅致飯後又  
行五里至灤橋工程亦堅實又十五里至陝西省城入

東門穿滿城至貢院

在西門內路北

本地官以次接見晚飯畢

歇息甚遲

共行五十里

廿五廿六廿七廿八廿九八月初一日因渭水漲發行旅

不通遂住西安五日打點棧路行裝製辦皮衣並覽諸

石塲等物然限於成例不能出門一遊未免悶悶而購

買之物貴於常價數倍亦復可恨於此又寄家信一畝

初二日由西安行四十五里至渭河過渡平穩又行五里

至咸陽縣風景甚佳沿河多稻田詢問文武成康諸陵

距縣三十里飯後又行五十里至興平縣西關住宿

共

行一百里

初三日由興平行三十里過馬嵬坡路側有楊妃塚祠三  
間題詠甚多刻石於兩廊相傳其塚土能傳面去瘧遊  
刻許復行十五里至東扶風早尖係武功屬又行三十  
餘里過蘇武墓十五里渡漆水抵武功縣城住宿自初  
二日至是日天俱晴朗 共行九十里

初四日天晴甚熱自武功走六十里至扶風縣早尖縣令  
鍾公名泰乃旗人談許久飯後路經伏波將軍祠墓又  
行六十里至岐山縣宿東關外岐山並不甚大然爲古

帝王發政施仁之處覺德澤尙存也

共行一百二十里

初五日由岐山縣行五十里至鳳翔府早尖

知府張公名汲

飯後

天欲雨勉強行十數里雨止又渡河二道一仍渭水一

名金陵河復過山坡一重路甚難走上坡甚平或所謂

秦隴也九十里至寶鷄縣已張燈矣

共行一百四十里

初六日由寶鷄起程復渡渭水河寬浪急船少人多紛紛

競渡恍如曹軍之遇馬超焉轎夫等不顧坐轎之生死

抬擠上船呵止不住予之轎前半將上船船已開轎夫

二人浮於水面手攀轎轅大呼得水手救援乃免險極

危極午正渡畢卽入山口踏石行甚艱復登山卽秦棧極險僉謂秦棧險于蜀道六十里至寶鷄屬觀音堂是

日本擬宿黃牛鋪因天晚遂止焉 載憲渡河微早已

先行矣有戶部延二公相隨大眾由此分走飯後散步

於溪澗中坐石聽泉頗得雅趣戌刻奉到兵部遞至原

摺二件 行六十里 按寶鷄山路卽古陳倉道也

初七日由觀音堂行五十里至黃牛鋪早尖飯後四十里至草涼驛聞 載憲是日宿鳳縣自寶鷄入山俱係棧路沿山腰而行仄狹高下其隘處支木壘石爲之下臨

深澗可畏之至 共行九十里

初八日自草涼三十里至白家店茶尖餓甚無物可食僅  
市菽麪條一盃山中苦甚居民惟食御米謂之包裹油  
肉經年不見又四十里至鳳縣宿縣令蔡公名天錫佐  
貳出身閩人也著蟒服持銅錢徒步街市差務自行辦  
理俱不假手下人辦差州縣此爲巨擘焉 共行七十里

初九日自鳳縣五十里度鳳嶺上下各二十五里較他山  
尤峻嶺顛有門書曰去天尺五其高可知嶺南有一石  
孔曰鳳窩下嶺至三岔驛早尖再行三十五里至南星



住宿係留霸廳屬出鳳縣界矣 共行八十五里

初十日由南星行五十里中過柴關嶺山路微平至廟台  
子入留侯廟早尖廟依紫柏山蒼松森密綠竹橫斜山  
泉四繞瀉石有聲令人塵世想頓消真仙境也瞻留侯  
像衣冠甚古庭聯有云用之則行不須強別報韓事漢  
造可而止非關先知烏盡弓藏又云卽論功業真賢相  
縱不神仙亦達人山半有授書樓高十餘丈塑黃石公  
及侯受書像留連許久始行又四十里至留霸廳住宿  
心目間猶有紫柏山之仙境焉 行九十里

十一日由留霸廳行四十里至武關驛早尖度棧嶺無數俗名廿四架馬鞍橋又行五十里過樊橋於兩山斷處以鐵索駕木板爲橋行其上搖曳不止云係樊噲所建故名樊橋過橋宿馬道乃蕭何追信處也共行九十里

十二日由馬道行四十里至清橋早尖是地公館少在帳房喫飯亦變觀也又行六十里至褒縣住宿載憲在此住一日候同行是日度天心橋橋在半山斷澗之上過橋又上至鷄頭關其高無比路側有蜀道登天碑足底生雲四字將至鷄頭關又過虞餘橋一座到關帝廟

及白石土地廟轎夫等獻鷄祭土地塗鷄血於碑土人云其神甚靈有求必應廟外石碑甚多對山有柏樹四株中一白石坐像卽土地法身由此循棧南下卽褒縣轉過山頭一望無際不知有山豁然開朗令人心快按此卽漢中之平陽也

共行一百里

十三日由褒城五十里至黃沙早尖借民房於街市間市食物又行四十里至沔縣住宿距城東三里許有武侯廟聯額訖無佳者惟一匾書公天威也筆力擬詞尙佳乃本朝楊侯勞所書城南十里爲定軍山山前卽武侯

墓亦有廟未能往觀自褒至沔俱沿漢水而行此水出漢口卽爲漢江將及沔城過一坊書曰重入雲棧計明日行程又賦蜀道難矣行九十里

十四日自沔縣四十五里至菜壩早尖山路不高而仄側異常又行四十五里至代安驛住宿已入甯羗界路途有山尙坦而居民較寶鷄一帶五官尙堪入目不似山中人奇醜矣共行九十里

十五日由代安驛行六十里至滴水鋪早尖路過五丁關有五丁開山處之碑及全秦筦鑰四字石上刻險類九

折此處山勢最曲折又行三十里至甯羗州住宿天尙  
晴和惜中秋月朗無旨酒佳肴以慶良宵耳

行九十里

十六日由甯羗州至黃花鋪五十里早尖路甚偏陂飯後  
二十里遂出陝境渡小河入七盤山山側有小心移步  
之碑又行四十里至廣元縣屬之神宣驛乃蜀棧適逢  
大雨路滑山隘危坐不安鈞使人恭轎亦有然未至神  
宣驛十數里天已昏黑雨復不止然炬而行半明半滅  
摸索於棧路中洵可危也

共行一百一十里

十七日由神宣驛起程行三十里至朝天街中過龍硯背

山水由硿下穿過早尖後度朝天關上下三十里雖高  
尙不險俱係廣元縣令朱公印鳳雲捐資所修廣元乃  
蜀之東北門戶朱令辦理團練名著遠近亦偉才也午  
後過千佛崖隨崖刻佛像高下大小錯落不一綿亘半  
里許俯臨漢水惜棧路仄加以鄉勇排列未能駐觀申  
正抵廣元是日併站而行幸夜雨早晴尙不致十分艱

苦共行一百二十里

十八日由廣元縣行四十里西渡漢水抵昭化縣早尖又  
行二十里至牛頭山曲折攀援而上嶺半有天雄關關

內有關帝廟拜謁少歇再行三十里至大木樹住宿乃  
昭化縣屬之小鎮市大木樹北有人頭山山直立上有  
廟高極竟不知當日如何修建也

共行九十里

十九日由大木樹行四十里至劍關早尖乃劍州屬中過  
劍閣雙山並峙中起高樓石刻萬載江山四字兩壁頗  
有題咏過而未覽迤南有姜伯約墓並祠飯後又行三  
十里至天生橋又名天然橋長三里許兩旁下陷中間  
一岡平亘如長虹水自下流穿古柏千餘株蔭於路之  
左右又行二十五里至劍州宿城內

共行一百零五里

二十日由劍州行四十里至柳池早尖又行四十里至武連驛住宿是日站途甚小路中無可記載晚間落雨旋止 共行八十里

廿一日由武連驛冒雨起程四十里至上亭堡早尖又二

十里至吉陽鋪拜梓潼帝君廟瞻仰聖像及家慶樓

風洞樓魁星閣桂香殿

有大桂樹四株

應夢仙臺盤陀石

在廟外小

山諸聖蹟又行數里過水觀音廟座前有泉可汲稍遠

有送險亭又遠有坊書曰坡去平來復行二十里至梓潼縣雖無大山然路仍崎嶇蜀人呼爲平路入縣城街



市甚熱鬧聖里迥與他處不同

行八十里

廿二日由梓潼行六十里中過孝鄉至魏城早尖所經多竹林萬竿交翠雅觀也又行五十餘里渡涪江水甚急登岸至綿州已張燈矣是日小雨盡日不止轎夫多有

顛蹶者

共行一百二十里

廿三日出綿州西門又過河仍係涪江沿堤南行河岸下有立石丈餘名曰飛來石上刻飛雲翥鶴四字土人云堤岸常被水穿汎濫無定後因此石隨流而下至斷口處屹立堤始築成無水患焉亦神奇事復東行六十里

至金山堡早尖又行三十里下坡度羅江石橋入縣城  
東門街市亦繁華間有字畫鋪不似北來諸處之荒僻  
行九十里

廿四日在羅江食早麪辰初行十里至白馬關坡不甚高  
上有漢靖侯龐士元先生墓及神祠卽落鳳坡後人因  
先生騎的盧白馬歿於此故名曰白馬關祠聯有云造  
物忌多才龍鳳豈容歸一主先生如不死江山未必許  
三分緣前殿公像及武侯像並塑也過此始見平川又  
行四十里至德陽縣住宿鄉勇最多約有萬餘縣令名

萬年青亦別致 共行五十里

廿五日自德陽縣五十里度金雁橋橋長半里許下鋪板上  
有榭如船艙下乃綿水入城早尖卽漢州飯後行五  
十里至新都縣住宿途中過村鎮見道側演劇走觀甚  
新豔 共行一百里

廿六日少住一日辰正方起宴如也早飯後到桂湖一遊

堂憲住桂湖

湖畔桂樹及桃柳千餘株芙蓉初放綠竹成林

庭榭十餘處俱可賞心悅目沿途六十餘日風景之美

無過於此詢係前明名臣楊公慎舊園至今猶祀像於

湖中晚飯在堂憲處同飲更餘始回寓滿園燈火猶覺  
快然

廿七日堂憲定於未刻入成都是日因天早復出北門遊  
寶光寺寺極清雅新建五百羅漢堂尙未工竣廟後有  
竹林十餘畝不知幾千萬竿中有唐禧宗幸蜀所駐之  
紫霞山蕩然不可考矣遊刻許復行三十里至歡喜菴

謁 本朝阿文成公祠及德公

名

楞泰像

廟內有草  
名隨手香

至

此本地請換大轎未用又行十里入成都北門城大街  
狹市中人摩肩擦背擁擠不開至公館係貢院甚遼濶

乃漢先主之皇城規模尙在殘破不堪地方大吏俱遵  
例未見定於初二日封門辦事

自七月廿一日至八月廿七日共計六十七日內除  
住程八日不計外共行五十九日

十一月廿六日寅刻自成都貢院起程已初行四十里至  
新都縣早尖申初宿漢州到川三月封門辦事寄居於  
貢院中如鳥處籠放翼北歸欣快之至眞覺天空地濶  
共行九十里

廿七日自漢州起程行五十里路中見君平卜肆牌坊在

德陽早尖又行五十里至羅江縣宿於城內 共行百里

廿七日自羅江起程六十里至皂角鋪早尖又行三十里

住綿州是日堂憲議定分行以免山中擁擠亥刻奉到

廷寄 批回各摺 南江漏規俞片謝

上諭四道 共行九十里

廿九日同六吉兄隨載憲先行寅刻出羅江北門渡江六

十五里至魏城早尖又行六十里至梓潼 共行一百二

十五里

初一日卯刻行四十里至上亭台早尖又行四十里至武

連驛住宿仍梓潼屬

行八十里

初二日寅刻由武連驛行四十里至柳池驛早尖係劍州

屬飯後四十里至劍州宿州主阿公

名芳

係崇憲親誼

苦邀過署小飲礙難固却亥正始回公館是日寄家信

一函行八十里

初三日寅刻便起因大風未能卽行卯正始起程登山後  
風愈大冷甚緯夫人等寒戰不堪澗中水結冰錢許厚  
亦川省不常有之天氣未初行六十五里至劍閣早尖  
厚賞夫役稍救凍殍過姜伯約祠墓畏冷未能遊覽僧

人於路旁迎送獻劍閣石刻數分與香資銀三錢酉正  
抵昭化屬大木樹已出劍州界入公館後風始息幸屋  
宇尙和暖憶北去山棧地愈僻而天愈寒飲食住宿定  
不堪問矣 行一百零五里

初四日卯刻起程行五十里至昭化縣早尖天冷甚公館  
高做勉強食飯行五十里至廣元住宿廣元城南半里  
許有武則天故里並祠又蘇若蘭故里亦在此其則天  
祠聯有云六宮粉黛無顏色萬國衣冠拜冕旒集句甚  
妙亥刻奉到



諭旨載憲署陝撫亦出人意表縣令朱帖舫德標係乙巳

同年差竣回京無所關防因造署一謁焉共行一百里

初五日寅刻行六十里至望雲鋪茶尖因地方隘狹僅備

點心又行三十里至朝天早尖復行三十里抵神宣驛

仍廣元屬計明日卽出川界矣共行一百二十里

初六日卯刻由神宣驛行六十里至黃霸驛係陝省甯羌

屬早尖自市食物飯後又行五十里至甯羌州住宿是

日將出七盤關卽遙見山頭有雪緣關外卽陝境川陝

相隔一嶺氣候不同如此共行一百十里

初七日由甯羗卯刻行三十里至滴水鋪早尖又行六十里至代安驛宿仍甯羗界是日漢中府畢公來迎係舊同寅相見歡如 共行九十里

初八日由代安驛行四十五里至茶壩早尖飯後過五丁關及柴關嶺又四十五里至沔縣宿 共行九十里

初九日由沔縣起程出東門過一坊西面書曰且騁康莊卽來時所見重入雲棧坊也四川山勢自南而北至此截然而止陝西山勢則自北而南至褒城截然而止中央一片平陽約徑數百里漢水循繞其間乃爲漢中府

徘徊環顧人在四圍山色中焉 共行九十里

初十日卯刻由褒城起程卽登鷄頭關下天心橋六十里

至褒城屬青橋驛早尖飯後過廿四馬鞍橋四十里至

褒城屬馬道宿 共行一百里

十一日由馬道過鐵索橋行五十里至留霸屬武關驛早

尖又行四十里至留霸廳宿 共行九十里

十二日由留霸行五十里至廟台子入留侯廟早尖是日

夜雪早晴遙望四山蒼翠如粉黛交加廟中松柏霏霜

林竹戛玉凍泉咽冷山鳥驚寒真世外境也飯後冒寒

登授書樓俯視羣峰萬笏拱秀瞻眺間幾流連忘返午  
後始行又五十里至南星鎮住宿公館惡劣不堪回憶  
留侯廟不啻塵世仙源之別 共行一百里

十三日由南星行三十五里至三岔驛早尖乃鳳縣屬飯  
後又行四十五里至鳳縣住宿 共行八十里

十四日由鳳縣行七十里至草涼驛早尖奉到批摺二件  
片一件內沈曹氏原摺批知道了學政原摺批所論尙  
爲平允旣無別項劣蹟著勿庸議欽此飯後又行四十  
五里至黃牛鋪宿是日早尖遇同寅李春生兄赴夔府

新任店中匆匆聚談未能濶敘詢及京中公私光景尙  
皆如舊心懷稍愜共行一百一十五里

十五日由黃牛堡行四十里至觀音堂早尖又行五十里  
至寶鷄住宿來時縣南河水寬大過渡極險此時俱已  
搭橋無爭渡之虞矣共行九十里

十六日由寶鷄行三十五里至底店早尖俱是平路沿山  
下河岸而行不登秦隴矣由底店赴東北路走鳳翔府  
至岐山由正東路則直赴岐山縣較走鳳翔省三十里  
僅行一百十里焉道路平坦比來時便甚是日出寶鷄

三十三  
十數里經祀鷄臺至底店路側有飛熊在望碑緣山而  
西卽渭水之磻溪係太公釣隱處碑傍有大石數塊秀  
峭之至 行一百一十里

十七日自岐山六十里是日接到具奏四川情形及土司  
控案並叅片三件俱有批至扶風縣早尖路側有班固  
故里碑又行六十里至武功宿由寶鷄東來始見車輛  
頗覺新鮮塵土飛空中路無此苦也 行一百二十里

十八日自武功行四十五里至東扶風早尖仍武功屬又  
行四十五里至興平縣宿出山以來早間甚冷飯後暖

甚轎中必須減衣迥不似山中景象矣 共行九十里

十九日自興平五十里至咸陽縣早尖本省府縣在此迎接飯後又五十里至西安省仍宿貢院是日聞該省舊中丞明日起程來時未能答拜因往謁投刺焉 行一百里

二十二日因棄轎用車在西安小住三日收什行裝購買石搗數十種其餘土產價值昂於京師又值囊澀概未買焉在此寄家信一函

廿四日卯刻由西安行二十里至灞橋早尖未遇風雪亦

無詩思午刻行三十里宿臨潼晚間於溫泉濯足意頗  
適然 共行五十里

廿五日由臨潼行四十里至零口村早尖又四十里至渭  
南宿於縣署花廳屋宇甚好 共行八十里

廿六日由渭南五十里至華州早尖又七十里宿華陰縣  
城北 共行一百二十里

廿七日辰起赴西嶽廟登樓觀華山三峯蒼靄中遙見仙  
掌儼如手跡五指映日色與皮肉無殊在東峯之頂三  
峯勢如鼎峙聳拔高峻不可言狀在川厯觀諸山未有



如此山之峭秀者遊一時許復行四十里至潼關宿共行  
四十里

廿八日由潼關起程出東關渡黃河波平浪靜迥非秋間  
汹涌可懼然尙須過渡三刻許方至對岸其寬可知又

行二十里至匿河早尖又五十里至永濟縣宿共行七十

廿九日由永濟縣行四十里至高市早尖仍永濟縣屬又

行三十五里至樊橋宿乃臨晉屬共行七十里

三十日由樊橋行四十里至牛杜鎮早尖係猗氏縣屬公  
館雖小預備甚整又行三十里至北鄉住宿係安邑縣

屬縣城距住處三十里縣令陳承恩及河東道黃公經

均來見因除夕力請道縣回署僅留辦差家人向晚又

無處可買食物幸是日堂憲及同事諸人俱在一處住

宿尚不寂寞各以所攜路菜聚飲暢談雖是旅况免卻

拜年亦一爽事 共行七十里

咸豐五年正月初一日卯刻焚香接神先於本處集場市

煥爆五更間爆竹聲喧彼此賀喜頗有新年景象是日

堂憲暫住一日恤夫馬也

初二日卯刻起程行五十里至水頭村早尖係夏縣屬又

陝西通志卷之五十五 平陽府志卷之五十五 平陽府志卷之五十五 平陽府志卷之五十五

四十里宿聞喜縣 共行九十里

初三日由聞喜行三十里至東鎮早尖仍聞喜屬與堂憲  
共一公館石券三間上起小樓足以遠眺飯後又五十  
里至侯馬驛宿曲沃境縣城距驛三十里 共行八十里

初四日由侯馬驛行三十里至高縣村早尖仍曲沃屬又  
四十里至史村驛宿乃太平縣屬縣城距驛三十里 共  
七十里

初五日因站途較遠寅刻便行六十里至平陽府早尖又  
行四十里少歇復行二十里宿洪洞縣 共行一百二十  
里

平陽府志卷之五十五 平陽府志卷之五十五 平陽府志卷之五十五

三

初六日由洪洞三十五里至趙城早尖在書院喫飯登文

昌閣四望甚遠又五十至霍州宿 共行八十五里

初七日由霍州行六十里至靈石屬仁義驛早尖接到家

信一函是早過霍山飯後出仁義驛即登韓侯嶺行四

十里至靈石縣宿縣令俞 雲錦 係殿試同年遣人往署

中投刺答拜焉 共行一百里

初八日由靈石三十里至靈石屬兩渡早尖又行五十里

至介休縣宿是日大風塵土飛空途中幾對面不見 共行

八十里

初九日由介休行四十五里至介休張蘭鎮早尖又行三十五里至平遙縣宿 共行八十里

初十日由平遙行五十里至祁縣早尖又三十五里忽遇大風距徐溝尙二十五里計時申正即可行抵宿頭不意風愈大愈涼亥正始至公館 共行一百一十里

十一日由徐溝行三十五里至永康鎮早尖係榆次屬是早風仍不息冷甚飯後又三十五里至王胡宿公館寬大雖熾火滿盆尙覺寒戰 共行七十里

十二日由王胡行三十里至什貼早尖仍榆次屬東西來

往車輛至此必須換軸出獲鹿後尚須再換方能合轍  
所云車同軌竟不然也又四十里至太安驛宿是日風  
雖小仍冷 共行七十里

十三日由太安行五十里至壽陽縣早尖飯後二十五里  
至清平鎮換馬又二十五里至平定州屬孟縣辦差宿  
側石驛 共行一百里

十四日由側石驛行五十里至平定州早尖又行五十里  
至柏井驛宿由徐溝以來所過各州縣村莊常遇演戲  
及扮唱秧歌者街市懸燈結彩大有昇平景像 共行一  
百里

十五日由柏井行三十里至槐樹堡早尖仍平定屬時值  
燈節店中竟有肉食較初來時大不相同是早過西天  
門飯後又十里過北天門及固關山西兵尙駐紮山上  
又四十里至井陘宿於城內皆山書院是日所過村莊  
俱有鄉民扮燈官擊鑼鼓遊街內 共行八十里

十六日由井陘行三十里至微水鎮早尖仍井陘屬路旁  
有淮陰背水戰之碑飯後十里過東天門入獲鹿山又  
三十里至獲鹿宿 共行七十里

十七日由獲鹿行六十里渡滹沱河至正定府早尖南門

內有趙子龍故里又四十五里宿伏城驛仍正定府屬

正定縣界

共行一百零五里

十八日由伏城驛行五十里至新樂縣早尖又行五十五

里至定州宿

共行一百零五里

十九日由定州行六十里至望都縣早尖縣令劉公名

體

中係乙巳同年飯後入城往拜見東城內縣署傍有堯

母慶都氏陵道碑又三十里至方順橋宿歸滿城縣屬

縣城距站五十里

共行九十里

二十日由方順橋行六十里至保定府宿甚早地方自總



督以次來拜俱入城答拜是早大霧覺寒

廿一日由保定行二十五里經曹河見劉伶故里碑又二

十五里至安肅縣宿 共行五十里

廿二日由安肅行三十里至固城早尖飯後又三十里至

北河宿係定興屬 共行六十里

									1111
--	--	--	--	--	--	--	--	--	------

文文忠公事略

巴林紀程

咸豐七年丁巳嘉平十二日於太僕寺少卿任內奉

旨派往巴林扎薩克已故貝子多爾濟薩穆魯布之游牧

賜奠擬年前請 訓正月二日起程嗣因兵部理藩院

應辦勘合等未齊候至正月十一日請 訓十四日

起程

請 訓用清文奏摺外黃綾安摺一分遞繕牌  
理藩院辦滿蒙合璧祭文一分隨勅筒一紅黃油

綢布各八尺黃綾八尺背筒黃布帶二根各八尺自備

黃布八尺包於黃綾之外理藩院交黃緞口袋二個係

盛折祭銀用兵部發給勘合一張兵票一張背祭文每

站用營官一員營兵二名自京城起沿站均須赴營汛

粘貼印花各站疲玩往往僅來官兵一名仍須連次催  
促此外理藩院又照依勘合兵票發給蒙文者各一分  
爲蒙古站上所用然此票備而不用蒙古站往往因本  
站馬匹不敷請以此票拿馬萬不可聽據前輩云此票  
發出則藉端騷擾無論何人之馬可任意拏派也至祭  
文兵票勘合等均係理藩院官人把持辦理討索重賞  
須求人催辦方不致悞至折祭銀兩例應理藩院派出  
司官持赴就近採買賜奠者大可不官亦不必收  
其口袋近則官人僅交空袋二個直云應由賜奠  
者代備尤屬可笑若輩不得勒索往往以此項作抵未  
便與之較量

十四日午刻起程三十里至孫河店中會理藩院派出隨

往司員郎中廣善又四十里至順義縣宿城內南關始

交酉初

縣令名賀瀛號笠舫係捐班縣北門外  
有康節先生及竇燕山先生故里二碑

十五日辰正由順義四十里至羅山早尖午正又三十里

至密雲縣宿

時申正二刻知縣名王寶權號小衡庚戌進士由順義北二十里之牛郎山沿灤河

北行直至密雲始渡是日路多深沙大風塵土迷人

十六日卯正由密雲六十里至石匣驛早尖按站應宿此

是日因太近尖後兼行四十里酉正至古北口宿

提督命人

持帖迎於路云侯差竣後跪

安驛傳道主事榮惠

筆帖式佛爾果春巡檢王樊俱迎於山上關帝廟至公舍提督又命人持帖拜亦命人答拜是日出石匣驛即入山名石嶺山溝

內多石如拳如斗無半步平顛簸約十數里共行一百

里自此以北包馬改車輛

十七日辰正由古北口行有關廳在山下北門內即古北口關門

命人持勘合掛號關吏皆旗員佩刀排立出關即在山

溝亂石內行三十里至三岔口早尖又十里入山口石

多難行旋登十八盤嶺甚高以曲折十八次故名下嶺五里許又

登山亦名十八盤稍又十餘里至安匠屯宿於站丁住

房甚潔淨站官與丁役均係康熙年間由內務府撥來者官則千把總丁則撥什戶無技藝操演專

司驛務共八十里甚大

十八日辰初由安匠屯五十里至金溝屯早尖屯西有小

嶺一道名小梁子尖後五里登伊素嶺曲折盤旋約十

餘里下嶺又二十里渡大河亦名伊素是日宿於紅旗營馬號公舍令甚殘破不堪

十九日由紅旗營辰正行四十里度莪麥嶺東面盤道偏

側仄險又二十里未正至十八里汰宿

因未早尖無耽擱也

公舍

係專建亦有規模但多年不住人冷甚耳

此處有行宮乃入園之尖

營共六十里

二十日卯正行十餘里過皇姑屯有小嶺一道

行宮在大道北

二十里至和樂村早尖已正行三十餘里過頗賴村又

八九里至依北家子宿公舍寬大潔而暖詢悉次日即

入圍場前途均係蒙古站除羊隻外別無他物在此置

買油醬喫食及零星等物行宮在村南村內買賣甚多居民亦稠密此站甚小共

九十里

二十一日因前站一百三十里丑刻即行三十里入圍場

門天尙未明冷不可當又十餘里登駱駝梁高二十餘

里車馬喘息十餘次方至頂東面僅四五里下嶺十餘

里至紅旗卡倫早尖喫食俱自行攜帶卡倫房僅三間圍場內別無居

民數十里始遇卡倫卡倫兵皆八旗滿蒙尖後二十里

登草帽子梁高如駱駝梁下梁又二十餘里至孤山子



宿仍借卡倫房十餘人均住三間屋內狹隘之至圍場

中萬山林立樹木稠雜雪地中虎跡縱橫行人時有戒

心卡倫牆外樹以立木頂覆樹枝形如迴廊詢係防虎

而設此站甚大正站尚在孤山之南孤山子乃捷徑較

正站甚近丁馬由正站調至此處自此以北均係

蒙古站站上官丁亦均係蒙古王公撥旗下人當差歸

古北口驛傳道統轄其詞訟除人命案由赤峯縣管餘

則仍歸共一百三十里

二十二日辰初行三十里出圍場又二十里至岔道子早

尖二十里復入圍場此站係沿圍場東南兩是日落雪

山勢甚佳以峰多蜿蜒路亦曲折故也又三十里出圍

場至西爾哈宿於喇嘛廟到時申正 共一百里

二十三日辰初行三十里至敖甯府

有街市在大道東

距住程僅

四十里未早尖即岔道向西北行又十里登巴彥烏拉

梁遠觀不甚高大登後愈盤愈遠愈遠愈高南面約二

十餘里北面下僅十餘里又五里餘至阿美溝宿站了

甚疲玩

此輩大共七十里

二十四日辰初行二十五里至 公主陵借燒鍋房早尖

公主陵在道旁

嘉慶年間下嫁

又二里許過一嶺不甚大四十五里

至卓鎖宿是日午後又雪住於喇嘛廟房屋之冷喫食

之難不堪問矣 共八十里

二十五日卯初聞雪聲未住起視已深尺餘辰正雪稍止  
急催馬匹已正行三十里至鐵匠營早尖又數里登土  
梁一道高不及半里至巔則平陽一片約四十餘里四  
望羣山僅見峰頂其上風甚大土人謂之大壩口外多  
此惟巴林一路較少耳下嶺過一村旋復登一壩十餘  
里方下又十餘里申正三刻至陳土博宿仍借喇嘛廟  
住 此站以後里數多不准蒙  
古站里數向皆約畧之詞  
二十六日辰初行三十里過小梁一道名黑水梁下梁卽

黑水村早尖又四十里申正至來色宿於站章京住房  
是日午後又雪

廿七日辰初由來色行三十里至七株樹借燒鍋房早尖  
已初復行五六里遍地皆深沙旋過沙嶺五六道車馬  
疲累不堪末一嶺將登至巔復被沙溜下數次過沙嶺  
二里餘抵巴林橋河名色倫木水面甚寬獨近橋處僅  
二丈餘水與橋平橋下之水深至十餘丈據土人云夏  
間盛漲上下游水均泛溢出岸惟橋下寬深如故傳爲  
神異岸北有碑亭碑兼滿蒙文鐫誌橋建自順治十四

年係多慧公主所修康熙年

聖駕北巡始命載入志書云云橋以北均係巴林王境無漢人村過橋十餘里抵色拉木倫站宿遠望小土阜數座近視始知爲蒙古包門低且小鞠躬而入幄內週圍不過二三丈亦設佛龕木牀箱櫃等物當地設大火撐內燒牛糞屋頂圓孔如甕大仰視天光恍若坐井晝則火煙直從上出夜則以氈覆之門外掛氈簾厚寸餘頂與簾俱掩則黑不見掌晚飯約廣公席地坐燒肉飲酒站了有小童僅四齡衣羊裘著雲頭小皮靴戴狐皮帽

腰繫革帶佩小刀荷包居然入畫與之內則屈一膝舉  
肉於頂謝然後食賜以荷包喫食晚飯後就地卧滿幄  
皆風一夜未能安眠

二十八日由色拉木倫行過沙嶺無數平地亦皆深沙沙  
漠之名不虛六十里涉渡索倫木河不知此水因何未  
東又五六里至坂身宿於喇嘛廟村內有梵寺甚大有

多慧公主府村人半多公主之後約有五六百家

此站亦巴

林王地正站原在色拉木倫正北此係東北若按正站  
應先至噶查哈再由噶查哈赴正東至巴林王府向東  
南始至巴林貝子處是日噶查哈  
調站至坂身預備省三站程途

二十九日辰初由板身行沿途雖有山尙小沙亦漸少六  
十里至老道板宿僅四五家有房屋餘皆零星蒙古包  
借地於巴林主之護衛家係巴林貝子豫備馬匹詢距  
該貝子府四十里貝子屬官免色拉氣即印務章及台  
吉等十數人迎至此會議明日

賜奠請至伊墳上附近豫備墳距老道板四五里是日又  
大雪

二月初一日卯初即起雪尙未住該處再三挽留請  
賜奠後歇息三兩日並云尙有款待筵宴當諭知一切浮

文俱免奠畢即回行已初至貝子墳四無人煙故貝子

之夫人率小貝子

名碧起那孫

及合族人跪接祭時天使正

立讀文者展讀畢天使立奠三爵轉向西立小貝子及

合族人向西南望闕行三跪九叩禮謝

恩復轉謝天使行一跪禮禮畢請至蒙古包兔色拉氣等

率小貝子遞哈達行進見禮

哈達以綳緞為之如手巾長三二尺蒙古見尊長及

拜佛必遞此乃禮之至敬者也

接哈達仍敬還執事人在門內鋪氈云

夫人行進見禮天使辭謝復進茶果桌

茶食四色熬茶一壺請天使自

帶之茶盞遞茶

撤茶桌又進肉桌列牛羊肉二盤撤下復進酒



桌列白瓷酒罇九銅爵二均滿注酒兔色拉氣捧跪致  
詞餽天使馬八匹下人馬一匹天使辭謝諭令盡心當  
差復叩求不已力辭始撤下前在口上豫寫婉言辭謝  
一切餽送之蒙文諭帖一分恐通使及辦事人舞弊也令通使及該  
處碧起克起即內地筆帖式持向夫人前讀之合族人環聽均  
合掌於胸意似欽感夫人率小貝子復進哈達云諸物  
不收無以表意深恐貽笑鄰封不得已收哈達回以小  
刀荷包煙壺薰煙四色稍坐即行夫人及合族人尙欲  
遠送亦力辭已正行過老道板未歇酉初至板身宿是

日幸午後雪晴尙不大累自正月十四日至此共行程  
十七日蒙古站途無定其里數皆約略之詞據云自京  
至此一千六百餘里是役往返均十七日回程無事可  
紀未經載筆二月廿八日到京寓

呂祖閣次日赴園復

命因起程後

簡充日講起居注官是日一併謝

恩蒙

召見

垂詢甚詳一一奏對

天顏甚霽午刻至家

門下士良 弼恭校